


7476
7584
37



明詩紀事

平籤

吳惟英 二首

惟英字國華蒙古人先世把都帖木兒嚮化來歸賜

姓名吳允誠以功封恭順伯允誠子克忠進爵侯數

傳至惟英襲恭順侯爵總督京營戎政有墨響齋集


靜志居詩話國華累葉珥貂風流獨擅崇禎中與鞏

都尉承固並留心圖史與諸朝士極文酒燕游之樂

家有墨響齋摹拓金石文字裝池插架不減歐薛洪

趙之富孫舍人救采其詩入燕都游覽志甚多其後

都中大疫國華死為冥官時降於室龔尚書孝升曹
侍郎潔躬每述其遺事以為可載鬼董狐
田按萬歷中武將能詩者蕭如薰杜文煥鄧子龍戚
繼光輩皆身歷戎行若臨淮侯李言恭則勳臣後裔



如漢之四姓小侯雍容儒雅說禮敦詩國華稍晚出
衡其詩品可與臨淮抗行世傳國華死為冥官李舒
章有詩紀事云憶昔相逢金市東當場緩帶萬人中
不知青骨真如許已見民間賽火紅

集宜園

客約鄒枚侶名園許共攀
早花須著眼春酒更開顏
鳥語藏深樹雲痕斷遠山
分題期刻燭有句倩誰刪

遊李武清新園泛舟

海澱微嫌道路長背城特地又新莊
登舟我欲偕元禮選石
君宜學贊皇環榭依臺渾是水
繞花沿柳半為廊莫愁酒盡
雙瓶倒村店青帘帶夕陽

張怡 十首

怡一作遺初名鹿徵字瑤星上元人都督可大子以

諸生蔭錦衣衛鎮撫歷正千戶甲申後隱居攝山自

號白雲道者有古鏡菴詩內外集玉光劍氣集

方苞望溪集甲申流賊陷京師怡遇賊將不屈械繫
將肆掠其黨或義而逸之歸故里身寄攝山僧舍不
入城市鄉人稱白雲先生當是時三楚吳越耆舊多
立名義以文術相高惟吳中徐昭法宣城沈眉生躬
耕窮鄉雖賢士大夫不得見其面然尚有楮墨流傳
人間先生則躬樵汲口不言詩書學士詞人無所求
取四方冠蓋往來日茲山而不知入其室架上也
先君子與余處王公佩歲時問起居請貳之弗許日
數以百卷皆所著經說及論述史事請貳之弗許日
吾以盡吾年耳已市二簾下棺則并藏焉卒年八十
有八或曰書已入壙或曰經說有貳尚存其家乾隆
命學官集諸生繕寫久之未就先生之感發守藏而傳
終不得一寓目焉并著於篇俾後有之感發守藏而傳
布之毋使遂沈沒也
靜志居詩話山人時園中鹿亦產子因名鹿徵而
以瑤星為字崇禎間曾仕錦衣故其六十初度詩云
當年執戟侍明光親見彤雲捧玉皇也山居鈔書頗

多著述甚富予所見者僅玉光劍氣集謏聞正續筆
數種而已曩造其山居見案頭有手鈔宋季張炎叔
夏詩集一卷今其遺書不可復問詩亦流傳寡矣

金陵諸園詩 并序

南中人家好爲園林雖短檐茅屋室不數弓而纔有
隙地便種花竹當昔太平盛時六部曹郎於公署外
各構一園皆在長安門東一帶廣狹或殊咸極整麗
其他如中常待之外宅僧舍之別圃諸縉紳之會館
非園而園多可遊者今皆鞠爲茂草矣其在西南者
亦與蒼海俱變言之傷心不堪著足因憶少時所曾
遊者畧述梗概以誌憑弔不能盡記也

半山園

在朝陽門北有堂三楹流水一灣發源鍾山市
繞堂下前互小山喬木數十株二三十年物也

凡園中邱壑多以人力爲之而此獨真山真水最爲
勝地

疏籬曲徑隱林泉邱壑從知出自然想見當年王介甫騎驢
裹餅到門前

小東園

先大父榮祿同野公燕居也從世雅堂右折而
南亭軒三楹荆川題曰白鶴山居左曰裁雲閣
爲世藏書之所叔父紫淀老人寢處其下堂後曲室
爲岱與仲父丹室從堂右牡丹臺旁磴而上中踞一
亭亦曠亦奧則季父西園後老人讀書於內後紫淀
老人盡棄所有作攜書避亂圖而出仲父丹室中懸
小像來居者以爲仙翁而頂禮焉今盡荒地矣

世雅堂邊舊隱居竹房丹竈富藏書自從避亂流離後白鶴

橫空我不如

韓園

外父襄宇韓公家園在翦子巷壘石爲山中一峯
高二丈餘宋諸名公題跋甚多漫滅不可辨公從
徐氏東園購之洵異物也此園後歸黃岡石公象雲
每過不勝西州之痛

如公好石真成癖纔得為園境已遷何似中山厓壑好春光
秋草自年年

裴園

家幼仁六兄裴園在鷺峯寺前洛錦塘側荒疏有致兄善畫能詩尤留意花木歲釀好酒數十甕園中遍種罌粟虞美人阿藍諸葛菜之屬每花開晨起取蘆荻數十管每管剪插時卉數十莖令童子持至花市上賣花市魚肉而歸客至則開家釀剪園蔬治所市物以供杯酌亦間居之樂事文人之佳話也後易主遊客言念昔遊何啻太古

從來勝地須賢主太息纖兒無上賓深鎖朱門堅拒客閒庭
辜負十分春

栝園

在大功坊東巷內初沈生子得之魏國家數易主而歸周櫟園堂三楹敞而受風寬而宜月老栝兩株亭亭直上園之得名以此中多石亦最奇而皆具玲瓏透露之致池水一泓朱鱗數百水閣三間可以忘暑

奇石欲下米顛拜虛館曾披宋玉風焉得從君分半榻剪蒲
種藥作園翁

齊宗侯園

齊宗侯卓吾園在南郭西天寺旁樓閣宏敞花竹蕭疏曾歸吾友姚寒玉去子松風閣一里而近每與同人銜杯拈韻嘯傲其中

赤石磯旁榴乍吐德恩寺後杏初肥王孫公子東西去惟有

高城戀夕暉

雲乳山房

子性愛園居昔人所云志在兩株樹十莖草之閒耳初居海石園在杏花村旁蕭公廟後次居寒山園在南郭密灣內與今冬園衡宇相望也後卜居武定橋東屋內小園日讀樂頗可晏坐而素畏婦人聲雞犬聲婢僕詬誶市人喧鬧聲乃於橋之極東迴光寺前得倪園而晨夕焉自滄桑後流離顛沛不得復購園居就雨花閣前松竹盡遭斫伐觸目愴冀畢餘生而乙亥之夏閣前山雲乳山房而投老焉此金懷不堪聞見乃葺攝山之雲乳山房而投老焉此金陵第一大花園也僧徒居其中而日用不知游人涉

其境而神情不屬乃以獨享為愧耳

園居與盡下山居東澗中峯盡不如慚愧徵君開闢後容予
高卧理殘書

海石園

海石園海口內具四面相玲瓏透漏作雲旋文海氣所
蒸五色相宣文彩爛然先莊節治兵海上見而賞之
座客曰是屢經匠石之顧卒不可致有宋都統某留
題深以為憾先莊節笑曰物各有緣石丈人得時則
駕豈憚一行耶呼健兒舉之石果移似有神助顧自
山巔下視海面可萬丈而贏懸崖絕壁勢不能下材
官應募而出適高麗貢馬船至乃取木於山取纜於
船縛木為梯以纜繫石千人邪許層累漸下穩載入
舟先莊節喜甚舉酒酌曰子與君固有夙緣互數千
年堅卧不改今乃忻然就道耶載歸置清嘯堂前未
及豎立值先莊節公殉國事家餘四壁遂鬻此園為
伏闕費園中幽房曲室最為雅靚小池迴廊不廢遊
覽子讀書其中者五年後歸陳中丞幼白而此石竟
沉埋土中不復能位置矣

海上相逢石丈人移來南郭伴松筠祇今院宇淒涼甚誰向

仙山再問津

寒山園

子內兄韓敬修手開也前臨濠水後枕平岡入
門水閣三楹流水周而清竹萬竿濃陰布護子
寢處其中者七年小樓如鳥巢據高阜上眺望極遠
顏曰綠尖繫舟牆外每春水方生秋月正望臨風小
泛覺玄真去人不遠

門前流水枕寒山日日身居山水間況有扁舟堪載月塞洪

橋畔赤磯灣

倪園

笑峯大師所構也時笑峯尚為小司農在燕邸子
以二百錢得之門前老屋數間右有亭三楹虛敞
而邃修竹蔽天左高閣一區前望雨花後眺淮水左
環千堞右繞萬竹爽目快心無過於此仍歸倪氏

野水瀾漫古寺旁四圍老樹間修篁高樓縱目渾無碍遙對

城南石子岡

劉文昭一首

文昭字雪舫宛平人新樂忠恪侯文炳弟有攬穗堂
偶存

魏禧叔子集余客秦郵劉君雪舫訪余余報謁君出
其一門殉難紀畧及輩都尉城破自到事示余受而
讀之拊膺泣下幾不能終篇方甲申三月之變君年
才十有五歲又生長貴戚宜縱心聲色自驕居不學
問乃其所紀殉難本末於天子孝思劉氏先世所以
與母若兄捐軀殉國之條節都城所以陷敗雖倉皇
急遽中一言一事莫不條理委悉使讀者如目見耳
聞而悲憤感激勃然作其忠義之氣君好學工書其
入燕游草悲涼恍壯不忍多讀
阮學葵茶餘客話劉雪舫新樂侯文炳弟侯闔門殉
難雪舫年十五逃回海州故里變姓名至淮居珠湖
吳菴三珊物色之贈詩云王孫徒寂寞芳草自萋萋
故苑游麋鹿滄江厭鼓鼙人情隨世變風氣逐年低
念子凝神久微陽可共攜

清河夜泊

孤舟離緒又清明一挂蒲帆千里程
去住向誰商出處飄零到我負平生
雲連海氣天無色風鼓河流夜有聲
襜被春寒眠不穩悽然雙淚落三更

祁班孫四首

班孫字奕喜紹興山陰人都御史彪佳子祝髮為僧
有紫芝軒稿二卷

鮑琦亭集祁公子者忠敏第二子也初忠敏夫人商
氏嘗夢老衲入室生子公姿容白如瓠而雙足重
趺頗惡劣日堪行數百里忠敏死未二旬東西兵起
祁氏羣從之長日口鴻孫者故嘗與忠敏同講學於
山至是將兵江上思以忠敏之志而公子兄弟罄
家餉之祁氏自夷度先生以來藏書甲於大江以南
其諸子尤豪喜結客講求食經四方簪履望以為膏
粱之極選不脛而集及公子兄弟自以故國之喬木
而屠沽市販流亦兼收並蓄家居山陰之梅墅其園
亭在寓山柳車踵至登其堂複壁大隧莫能詰也慈

谿魏布衣耕者狂走四方思得一當以為毫社之桑
榆公子兄弟則與之誓天稱莫逆魏耕之談兵也有
奇癖非酒不甘非妓不飲禮法之士莫許也公子兒
弟獨以忠義故曲奉之時其至則盛陳越酒呼若耶
谿娃以薦之又發淡生堂士遁劍術之書以示之又
徧約同里諸遺民如朱士雅張宗觀輩以疏附之王
寅或告變於浙之幕府刊章四道捕魏耕有首者曰
茗上乃其婦家而山陰之梅墅乃其死友所孺聚大
帥亟發兵果得之縛公子兄弟去既讞兄弟爭承祁
氏之客謀曰二人并命不更慘歟乃納賄而有其兄
理孫公子造戍遼左其後理孫竟以痛弟鬱鬱而死
而祁氏為之衰破然君子則曰是固忠敏之子也祝
髮於吳之堯峯尋主毗陵馬鞍山寺所稱呪林明大
師者也
田按奕喜早矜豪侈晚遁瞿曇未忘既死之灰復誓
揮戈之勇君子哀其志焉其詩哀豔動人惜不盡合
轍

有懷

春晚愁珠閣妝成卻翠屏
振珂風寂寂捲幔瑟泠泠
玉塞憑

高望金鴻入夜聽迴環
依碧月飄墜感流星
庭北花全落城
南柳半冥王孫衣欲換
過客馬初停
句驪河邊渡遼陽
郭外
經孰憐三月路草色未知青

同楊生聽琵琶女侑酒帳中女故客維揚與楊頗舊

屠蘇帳中留醉客紅爐炙火霜初白
好聽絃上奏琵琶莫向
風前吹麝粟琵琶欲轉夜鴻驚
絃撥涼州指再停
絃愁青海
今宵月指憶紅樓舊日情
紅樓承寵人爭羨
千金每買華堂
宴五夜明珠照不歸
七香寶輦邀曾見
會惜春城春晝長
呢
鶯飛燕斷人腸
葡萄北苑初裁錦
翡翠南洲就點妝
妝罷還
曾催上馬經過更出章臺下
帳底流蘇笑暗窺
枕上珊瑚欣
獨把自信容光不讓人
可憐意氣劇相親
天桃猶煖城邊日

青冢空回冢上春春日秋風當此夕羞將玉面逢人出千古
繁華妾已忘一時歌吹君能憶曲罷星疏虜酒寒明朝馬上
引人看已令胡女無顏色何須更奪燕支山

送王雙白侯記原渡西陵作

江亭樽酒暫淹留惆悵行旌促遠遊三月飛花懷故里一
寒雨送歸舟青山過處同為客尺素來時獨倚樓最是月明
無近遠徘徊搔首望南州

少年行

素袍逢月白寶劍入秋寒近聞灌夫死不敢上長安

劉孔和九首

孔和字節之長山人大學士鴻訓子有日損堂詩集

池北偶談劉孔和王遵坦二人皆負氣跡地相交善
王居桑谷劉居長白皆有林泉之美崇禎間見天下
將亂散財結客甲申歲孔和殺闖賊偽令率精騎萬
人南赴金陵至淮陰以兵屬劉澤清清與孔和素交
好時為藩鎮貴重無比然好為詩一日大會將吏廣
坐朗吟寶佐交中譽之孔和仰視獨無語強問之曰
公誠名將才然此事定復不急澤清怒遣人追及舟中
惶懼失次孔和傲然而出澤清益怒遣人死數日矣
拉殺之已而金陵以為副總兵官則孔和死數日矣
嘗有贈王詩云都無殺者黃江夏豈有食之嚴鄭公
後竟死澤清手與黃祖事絕類云
漁洋詩話劉孔和為詩豪邁雄放有東坡放翁之風
一代奇才也
靜志居詩話節之詩好排硬語大約以孟郊邵謁為
宗
田按節之人奇詩奇死於悍將之手傳其遺事千載
猶有生氣

雜諷三首

少陵詩竭情右軍書趁媚譬如今雅琴乃是古鄭衛軒燧久

不作紛紛弄文筆此語固頗高何以處衰季多巧傷元化偽古愈堪畏強擬皇娥篇勦取岫嶼字不如求真至辛澹皆可味

世談神仙事往往慚未發捫口求盤燭疑信良皆難此道貴艱苦挽舟上急湍火以藏深遲冰以埋陰存但恨庸妄輩匍匐求崑崙何物覆筭籍累累日以繁吾儒匪相賤所以尊乾坤乾坤籥元化豈開大盜門

松柏堅而壽巖石靜而完熊經能自引龜息無所餐方之彼仙人當作如是觀松伐石且斲熊烹龜亦鑽千秋消盪盡神氣何棲蟠淮南叛諸侯趙高賊宦官神仙固有此何足容褒彈因之謝來學甚勿食馬肝

送長兄之金陵

豈復雲山意干戈滿吳會況予強卧時空憶天涯外一別籬菊前露下浩不收秋冬難為懷何以行扁舟汴路既零落白門復蕭索欲賦哀江南遙遙不可得故宮蔓寒蕪豆絃想崩壞惟有孝陵樹重涕堪再拜江氣日夜發暝暝阻春煙念之何時歸歲暮當來還

題凌五雲畫冊

霜翎蠹葉關幽細十幅秋光意亦遐蜂抱花鬚驚鳥見藤牽石骨得苔遮一枝不奈成淒斷數點無因想淡嘉折作屏風剛數曲自支寒枕看橫斜

長兄齋中蜀海棠一木姿態甚殊便使同作

金谷園中謬作家碧雞坊裏厭繁華魂銷深院霏微雨光散
晴窗旖旎霞輕翠數描依榦葉新紅百浣裏枝花遙知澹思
經營際已許籠詩著絳紗

過訪幼量書圃二首

堦前修竹綠成林侍子清朝拊素琴聽盡明光三十段碧池
涼雨一時深

石紋苔色上窗紗綠茗初煎更筍芽遲日園林花氣合十分
鶯蝶在人家

題趙吳興調琴啜茗圖

秋宮肅肅古衣裳靜女無愁黛亦蒼不點疏螢和月色絹頭
已作百年涼

茅元儀 二首

元儀字止生歸安人崇禎初以薦授翰林待詔尋參

孫承宗軍改授副總兵官守覺華島兵譁論戍有賞

心集八卷渝水集六卷西崦集三卷江春集二十卷

橫塘集十卷又峴集五卷在禁詩一卷山草二卷

茅元儀暇老齋筆記石室老人以書法畫竹山谷老
人以畫竹法作書然不闡破三昧或曰畫竹如篆
枝如草葉如真節如隸余以為枝如草其意向在影
響間節如隸不如葉如隸也我嘗有詩曰八分為葉
篆為枝然恐得其形似而未得其用筆又曰葉如蟹
足折斂枝象之一語古人曾云其三者則余直揭破

秘密藏矣

列朝詩集止生好譚兵通知古今用兵方略及九邊
阨塞要害口陳手書歷歷如指掌東事急募古人毀
家紓難慨然欲以有為高陽公督師以書生辟幕僚
與策兵事皆得要領嘗出塞相視紅螺山七日不火
食從人皆無人色止生自如也高陽謝事止生亦罷

歸先帝即位經進武備志命待詔翰林又以人言罷
已已之役高陽再出視師半夜一紙催出東便門僅
隨二十四騎止生腰刀匹馬以從四城既復牒授副
總兵治舟師略東江旋以兵譁下獄遣戍漳浦東事
益急再請募死士勤王權臣惡之勒還不許蚤夜呼
憤縱酒而卒止生為詩文才氣蠶涌搖筆數千言倚
待立就而其大志之所存則在乎籌進取論匡復畫
地聚米決策制勝集中連篇累牘洒江傾海皆是物
也

紅心道中

十載驅馳地戎衣眾駭看郵人識舊僕塞馬怯新湍山遠迎
雲易原平落日難何時酬聖主殘卷石牀攤

潞河與受之侍郎別次見贈韻

崩岸驚濤不可聞新湍陡處手初分共聽夜雨還傷我獨趁
秋風卻羨君東閣祇贏鈔秘本北山重補未耕雲明朝淚落

蘆溝上也解隨流逐荷漬

常延齡一首

延齡字喬若應天人開平王遇春裔孫襲爵懷遠侯

國變後為僧號蒼谷居湖熟村種菜以老

帝里明代人文略若龔封懷遠侯在京奉朝請遇
事敢言疏凡十二上洞切時弊上鑑其忠深眷注之
嘗清巨璫王民籍產命給之蓋異數也時科臣姜垓
熊應霖劾首輔而上怒御門命旗衛縛二臣詔獄拷訊
喬若疏請開釋而以文彥博救唐介為輔臣勸朝論
避之宏光初姦相馬士英引起元逆阮大鍼喬若露
章糾劾未幾挂冠去為僧號蒼谷灌園自給其沒無
以歛友人白生胡生蘇全葬之
田按喬若國變後居金陵城東湖熟村種菜自給錢
飲光湖熟種菜歌云金陵城東湖熟村中有隱者開
平孫通侯甲第今已矣意氣豪華無復存開平去今
凡幾載五王之後惟君在往昔爭言青門瓜如今獨
數湖熟菜紀其事也

揚州

傷心幕府夕陽開往事江南不盡哀飲羽共憐黃闖子空拳
猶奮乙邦才誰知闢禍流無盡已去天心挽不來宰相尙留
乾淨土北風吹裂舊旗臺

胡長庚一首

長庚字星卿應天人駙馬東川侯胡觀裔孫

金陵詩徵星卿以爵讓弟居駙象門外守南康公主
園寢賣藥以終
田接錢飲光胡星卿茅屋歌云白鷺洲接大江濱牧
馬兒來動成羣先生避世何處去合家住近公主墳
茅屋三間倚墳脚門戶欹斜草繩縛籬外時聞樵婦
喧樹下每有漁船泊先生田無一石租糊口祇賴青
囊書春深婦子競鉏菜水落弟兄公養魚刑孟貞贈
胡處士星卿詩云榮榮畦中蔬嫋嫋門前柳畦以木
權藩門用桑樹紐中有避世人言是東陵後多年不
入城一卷常在手可想見星卿清節也

揚州

一片陰寒晝不開笳聲淒絕角聲哀文山自正千秋氣諸葛
空思十倍才颯颯朔風吹淚落沈沈西日送愁來大招欲賦
天難問瓦礫拋殘上將臺

陳震一首

震字東卿益陽人崇禎中武舉人

山居暮春

雨後蘼蕪綠漸生羅衣初試覺身輕夜來春色撩人思開盡
梨花月正明

余杰六首

杰字生生號鈍丁青神人崇禎時以蔭官錦衣千戶

有增益軒集

鮎埼亭集鄞之西湖以賀秘監嘗游息於此故有小
鑑湖之日借檻樓者故錦衣青神余君生之寓寮
也生自蜀而徙燕非一世矣生後以尚書恩世襲錦
衣其自蜀而徙燕非一世矣生後以尚書恩世襲錦
科進取故錦衣之官雖上而未任已而國亡謀結動
衛子弟兵以殺流賊不克逃至江南參人軍事又不
濟始末更勤其時和無虛日就居湖上者多乃相與悲
歌叱咤更唱迭和無虛日就居湖上者多乃相與悲
生牛最長社中奉為祭酒嘗曰吾敢謂此間樂不思
蜀耶爰署其居曰借檻樓諸公在湖上陸披雲有觀
日堂宗正菴有南軒陸雪樵有歲寒館生之樓皆
與相望詩箋往復所夕旁午蓋居樓中者二十年
蜀相崇禎未張獻忠據蜀鈍廠避亂江東賣古文詩
字自給不喜入權貴人門權貴人即求其片言隻字
亦不可得平生一冠破不復補人號三項折角巾鈍
年七十九服周蓼恤也康熙時過江卒於瓊花觀時

獨酌

友人惠我酒竟日延清歡閉戶無人來好鳥伴我閒初旭升
竹林小窗明可觀興來聊復酌藉影相盤桓幽寂性所好瓶
中香未殘卽此無拘束境靜神亦安

卜居

臥隱仍無定途窮數卜莊有家何日到老病滯瀟湘道遠音
書少秋深客夢長桃源今有路恣意樂他鄉

元日遊石鐘山卽事

上日淹留客登臨興幾長無人覺來往半晌對湖光煙際雲
相接匡廬屬渺茫浦中帆片片望裏應春陽

過吳門客舍爲梅花作主人酒間得三絕句

市上何人識故侯青鞋卓帽稱心遊相逢白頭留詩別細雨

孤帆下虎邱

遊歸見說為梅花鄧尉風光滿眼誇我夢相逐便東去一天

花壓帽檐斜

花時歸客怕花殘烽火漫漫道路難斷送東風多少恨憑誰

留寄一枝首

官舍

葳蕤瑣下雙青銅盡日無人官舍中花落花開春已晚流鶯

唬過女牆東

陳斌一首

斌號蜚叟江甯人明末總兵官有蘆籟集

田按蜚叟以徵兵至滇沙定洲之變阻不得歸流寓蒙化錦溪築室植蘆匾曰蘆隱與雞足山無住禪師

贈范秦符

范子草樓纏竹木我來題作古農家騎牛葉落一身雨問水

風吹滿笠花

遊結青蘆禪社有青蘆辭云我惟非癖愛蘆荻趣在蒼蒼天一色蜚叟詞筆奇突胸次瀟灑嘗著影問云余素性賞山水遇危泉峭澗則窺影自呼云爾誰氏子來向水中遊影不答相矚久之風驟響林木震動水波疊興影隨動其間短竹拳松拂陰翠錯異之曰霜棧捲碧醉墨堆煙爾影欲索我詩乎於是倒杖蘸綠毋論峭石枯苔儘意縱寫隨卽乾去又至蕭寺敗案積塵堅塵尾作字曰淺莎浮白老檜翻青鸚鵡不來芭蕉常寂可以見其趣矣賞荷詩云荷盤捲露霜棧綠奇字鏘鏘灑瓊竹是昌谷得意語惜不多見

明詩紀事

貴陽陳 田輯

辛籤

王時敏 二首

時敏字遜之太倉州人大學士錫爵孫編修衡子以
蔭官尚寶司丞進太常少卿有西廬遺稿

容臺集遜之武夷接笋圖追踪子久煙雲奔放林
麓深密實為畫中之詩坐收幔亭奇致歎服歎服
梅村集先朝論畫取元四大家為宗繇石田山人後
董宗伯為集其成奉常畧與相亞當其搜羅鑒別得
一秘軸閉閣凝思瞪目不語遇有賞會則遠床狂叫
拊掌跳躍於黃子久所作早歲遂窮其奧晚蒼萃諸
家之長陶治出之解衣盤礴格高神王力追古人於
筆墨畦徑之外識者知其必傳立幸署書為古今第
一顧以八分推許語陳徵君眉公曰此君何所不作
吾當避舍於尺牘師蘇子瞻黃山谷於詩傲白香山

陸渭南固不止絹素流傳以書畫專門已也
蠶尾集大常公風流宏長巋然為江左文獻尤擅場
六法寸縑尺素流傳海外世之論者以比黃公望而
年壽亦如之此非煙雲供養不能
事乃祖文肅公屬董文敏隨意作樹石以為臨摹粉
本乃朝川洪谷北苑南宮華原營邱樹法石骨皴擦
句染皆有一種秀逸之韻不可掩者且體備眾家服
別有珍貴人最重粉本有以也夫
張庚畫徵錄太原王敏性資穎異淹雅博物工詩
文善書尤長八分而於畫有特慧嘗擇古蹟之法備
入與俱以時模楷故凡布置設法施鉤勒所拂水暈墨
彰悉有根柢平生愛才若渴四方工畫者踵接於門
得其指授無不知名於時海虞王輩其首也
山靜居畫論國朝畫法廉州石谷為一宗奉常祖
孫為一宗廉州匠心澁染格無不備奉常祖孫獨以
大癡一派為法兩家設教字內法嗣蕃衍至今不變
宗風
吳越所見書畫錄王鑑云子久畫如天駿騰空白雲
出岫在元季大家中有超逸絕倫之譽近代推太原

奉常公深得其三昧
戴熙習苦齋畫絮煙客自謂得大癡之形以形神俱
得許麓臺其實煙客得神更勝於得形不自謂得者
謙詞耳
田按煙客續華亭之緒開虞山之宗太原瑯琊一時
匹美石谷厥香漁山皆親炙西田得其指授麓臺之
衍家傳又無論矣入國朝三十餘年巋然為畫苑
魯靈光吳梅村西田詩云到此身世寬息心事樵牧
可以想其峻節高風矣

西田感興二首

陰陰梧竹暗漁隈小徑柴扉向水開書喜旁行從衲授畫乘
閒興異人催殘霞映浦低紅樹細雨滋花襯綠苔最愛寒煙
疏柳畔雁行斜逐釣船來

吳塘北去隔塵囂老我閒門鎖寂寥地僻禽魚神自王境幽
雞犬色常驕猶嫌樹小難遮屋卻喜船通不碍橋安得南村

素心侶芋羹豆飯日相招

李肇亨 三首

肇亨字會嘉嘉興人太僕日華子有寫山樓率圍夢

餘諸草

六硯齋二筆亨兄有得雨寒蕪回舊綠被霜衰柳學
新黃之句陳眉公先生極喜之然顧大涵五臆記京
口陳從訓有哀柳學新黃語余少時有雨檻蝸痕上
風枝鳥夢搖後閱春風堂詩話則宋人已有雨網蛛
絲斷風枝鳥夢搖句矣
構李詩繫珂雪與掃庵同王駕社工詩能繪事所作
如秋礪流泉雖波濤不與亦自清冷可悅
靜志居詩話吾鄉鮮巖壑之勝然園亭之參錯水木
之明瑟舟楫之沿洄縱遊覽所如而不倦萬歷以來
承平日久士大夫留意圖書討論藏弄以文會友對
酒當歌鴛社之集譚梁生借會嘉和之先後賦詩者
三十三人未百年而閭閻故老已莫能舉其姓氏
玉杯錦席之地化為宿草荒煙惟李氏寫山一樓尚
未椒飛松落宛然靈光之在魯錄珂雪作不禁憮然

田按會嘉畫不及乃翁詩筆灑落畧相似

贈王修微女冠

旖旎溪雲淡蕩煙水沈香氣暗衝簾生綃白袷輕籠臂粉頰
青絲半暉肩清許夜琴同鶴夢僭分曉黛入詩禪散花手腕
春風裏自寫蓮經繡佛前

畫景

霽色石橋流水蒼煙沙鴨人家誰向曉風吹笛江寒落盡梅
花

題魯孔孫仿趙松雪墨竹

蟠胸逸氣吐華滋楚雨湘煙入夢思秀絕家風誰得似漚波
亭子興來時

俊明初名袞字九章更名後字孝章吳縣諸生有春

草間房集

汪琬堯峯文鈔有明既亡吳中好事者皆棄去巾服以隱者自命儼然前代之逸民既而苦其饑寒頹路有能初終一節老且死牖下不恨者實無幾人若金先生孝章庶幾樂天知命者與孝章補縣學生數試於鄉不見收以焦氏易筮之得蠱之艮孝章愀然太息曰天豈欲我高尚其事乎吾將從此逝矣謝諸生杜門以備書自給是時明猶未亡也孝章小草師曹娥碑行草師聖教序兼工詩古文辭間喜畫樹石蕭疏有致其墨梅最下年七十偏乞常所往來者賦生輓詩其風流雅趣如此百城煙水春草間房在吳縣外龍街西雙林里金孝章所構宅後書齋也公高蹈不仕擁書萬卷鑪香茗椀日與四方名賢暨二子上震侃詠歌其中姜垓題春草間房云春水蛟龍卧芳洲蒹葭衣經綸人半老兵甲客仍稀濟世名山大編年信史非行藏須鄭重不是

靜志居詩話鄭虔三絕孝章克兼之兵後隱居塵市介不可易既卒門人私謚貞孝先生平生好錄異書靡問寒暑仲子侃亦陶繼之矮屋數椽藏書滿積皆父子手鈔本也畫徵錄孝章自號不寐道人善書畫長於梅竹田拔孝章畫梅余見數幅皆用乾筆作幹焦墨圈花瓣氣韻生動邵曾彌高澹游輩畫梅均若此孝章詩筆老蒼彌多艱苦之音

和致一韻

若木甯忘拂羲和底易傾百年如此日孤抱欲誰明野暮愁風色寒煙斷雁聲可堪良友共衰老慰吾情

暝愁

暝色兼秋集荒園草路深雨邊新雁去風外細蛩吟客老兵荒夜秋窮孤憤心廢書危坐久疏漏正沈沈

次韻海序秋日見懷

晚晚誰聞節概風夕陽荒草徧吳宮古人寂寞存微尚吾道
艱難有固窮龍卧始高宜海澤鳳棲雖老愛梧桐論心此日
應無負肯逐驚沙類轉蓬

題畫二首

率爾清溪泊閣名輒邀試客主不交言寥寥並高致

長安馬頭塵滾滾日三斗笑殺孟襄陽衝寒為詩走

題僧弘小畫寄公白

苦竹陰森石徑寒齋空冥坐聳高冠道人讀易無餘事老鶴

一聲秋磬殘

陳洪綬 十三首

洪綬字章侯一字老蓮又字老遲諸暨人國子監生

崇禎中召為中書舍人國變後削髮為僧改字悔遲
有寶綸堂集九卷拾遺一卷

張岱陶菴夢憶章侯才足挾天筆能泣鬼昌谷道上
婢囊嘔血之詩蘭清寺中僧祕開花之字力開畫苑
目無古人既縹郭恕先之癖喜周賈耘老之貧畫水
畫史會要章侯以明經不仕賦性狂散研心書畫所
作古人物世罕及於性非積習所能致昔人云前
身應畫師若章侯者前身為僧知其山平陽水陸社見
云乎人但知其工筆皆有人來歷有過平陽水陸社見
其怪誕不知其筆幅歸謂亦曰人謂章侯杜撰今乃
吳道子真蹟數十幅歸謂亦曰人謂章侯杜撰今乃
知道子真蹟數十幅歸謂亦曰人謂章侯杜撰今乃
便不規形似渡江揭州府學龍眠七十二賢石
刻閉戶摹十日盡得之出若勿也則更喜蓋數摹
又摹十日盡得之出若勿也則更喜蓋數摹
而變其法易圓以方易整以散人勿得辨也初畫楚
辭像刻於山陰再刻水滸牌行世及崇禎間召入為
舍人使臨歷代帝王圖像因得縱觀大內書畫乃益

張緒當年之想
畫徵錄洪綬畫人物軀幹偉岸衣紋清圓細勁兼有
公麟子昂之妙設色學吳生法其力量氣局超拔磊
落落伏唐之上
山靜居畫論陳章侯崔子中皆出羣手筆落墨賦色
精意毫髮僻古奇各出幽思子中人物外他畫少
見章侯山水花卉類有平淡天然之作點染得元人
遺意僻古是其所能亦其所短也
田按章侯論畫云今人作家學宋者失之匠何也不
帶唐懷也學元者失之野何也不遡宋源也如以唐
之韻通宋之板宋之理行元之格則大成矣又云如
倪老數筆都有千部署法大小李將軍營邱白駒諸
公雖千門萬戶千山水都有韻致此論可以通唐
宋之畫脈章侯人物奇古山水雄秀七絕瀟灑出塵
前有沈啟南後有陳章侯真畫家宗匠詩家逸派也

失題

千里別無恨有懷在醉翁棹頭楊柳色驢背落梅風酒勸揚
州女歌聽吳市童歸來茶正熟生活竹溪東

橋頭曲

歡宿鴛鴦樓儂宿蘆葦渚兩夢如一夢明日何處語

玫瑰

老來貪識春風面嬾作徐熙落墨工誰能添箇鳴春鳥細雨
宮愁十二紅

書屏

奈有湖山一日綠藕絲風裏歇紅船幾時收拾情緣盡坐得
松龕二十年

春詠

秋冬之際吾得病雪屋松窗對佛燈今日勞勞鶯燕日百花
深處卧詩僧

南旺寄內

饑來驅我上京華莫道狂天不憶家會記舊年幽事否酒香
梅影話窗紗

與某僧

當今無處不天涯猶恨天涯無處家喜得北山僧帖子邀儂
十日看梅花

卽日

一百五日春郊行三十六溪春水生千秋館裏逢雨急射的
峯前看晚晴

偶詠

不識如何笑作愁東阡西陌且閒遊兒童共道先生醉亂折

黃花插滿頭

寄黃四林一娘

金樽酌我黃公子玉管催詩林一娘遙憶兩人秋思好月明
雙槩住橫塘

詠陳瓊海棠

阿儂自負王曇首細按紅牙紫鳳鳴學得內家新曲子海棠
花下問陳瓊

紅樹

霜螯琥珀莎薑紫捧出當壚十五兒恨殺秋山紅樹裏獨無
此事入新詩

畫長公與恆如

愛寫圓通蘇子瞻一年幾得兩三縑老僧乞請伽藍去溪水

山花白布簾

崔丹 二首

丹字道母更名子忠字開子又字青蚪順天府學生

東人一云山

無聲詩史崔子忠號北海山東人崇禎癸酉董宗伯
思白應宮詹之召子忠遊於其門甚相器重懸想倪
迂高致以意為洗桐圖貌雲林著古衣冠注視蒼頭
盟樹具透迤寬博之概雙鬢捧古器隨侍娟好靜秀
有林下風文石磊砢雙桐扶疏覽之令人神灑想其
磅礴時真氣吞雲夢矣子忠不惟善畫更以文學知
名於時
靜志居詩話道母以畫見知華亭董尚書益自重家
最貧有以金帛請者概不納有二女皆善畫萊陽宋
司臬王叔曾示子許旌陽移居圖鬼物青紅備諸詭
異之狀幾與龔聖與爭能匪近日畫家所及也甲申
寇變走近郊匿陶穴中不出遂餓而死復社一二集

道母均與焉先後名字不同
畫徵錄順天崔子忠善人物與陳洪綬齊名號南陳
北崔

滴水巖二首

石以當空立巖如急就成雨花山廟溼雷樹羽宮晴絕壁洪
荒在陰疇晦朔并古潭龍夜語徐臬應泉聲
入不知高下山春水似秋星河平地看雞犬半天遊洞腹藏
元氣山根養汎流白雲朝出宿知是繞神州

龔賢 六首

賢又名豈賢字半千一字野遺號柴丈人崑山人流

寓金陵有香草堂集

讀畫錄半干性孤癖與人落落難合其畫埽除蹊逕
獨出幽異自謂前無古人程青溪論畫於近少所許

可獨題半千畫云畫有繁減乃論筆墨北宋人千邱
萬壑無一筆不減元人枯枝瘦石無一筆不繁通此
解者其半千乎半千早厭白門雜沓移家廣陵已
復厭之仍返而結廬於清涼山下茸半畝園栽花種
竹悠然自得足不履市井唯與方龕山湯若夫諸遺
老過從甚歡筆墨之暇賦詩自適詩又不肯苟作嘔
心抉髓而後成惟恐一字落人蹊逕酷嗜中晚唐詩
蒐羅百餘家中多人未見本會刻廿家於廣陵惜無
之力全粹至今珍什笥中古人慧命所係半千真中晚
程正揆青溪集半千用筆如龍馭風如雲行空隱現
變幻渺乎其不可窮蓋以韻勝不以力雄者也
王暉今世說龔柴丈隱居清涼山有園半畝種名花
異卉遇堂下鳥弄林端日長無事讀書寫山水之餘
高枕而已
圖繪寶鑑續纂半千畫初從北宋築基一變古法沈
鬱深厚自成一家
愚山集龔半千像讚人推詩老白稱柴丈名不可逃
俗不可尚尊酒陶然筆墨天放投迹岳中寄情霞上
盧見會感舊集注半千畫愛做梅花道人筆意嘗自
寫小照作掃落葉僧因名所居為掃葉樓
畫徵錄半千畫筆得北苑法沈雄厚蒼老矣惜秀

韻不足耳
秦祖永桐陰論畫半千與樊圻高岑鄉詰吳宏葉欣
胡造謝蓀為金陵入家
田按半千畫濃墨粗筆揮灑淋漓册葉小幅著色者
別饒趣韻

一公得法東遊

師去忽經年書來兩月前持梅辭將廟帶雪下吳船道大終
難隱蓬飄未易旋相思但相念切莫寄詩篇

何日山中住

何日山中住山中廣置田高原兒課種精舍我閒眠二月到
八月驚天與笛天總無愁苦法那得不長年

扁舟

扁舟當曉發沙岸杳然空人語蠻煙外雞鳴海色中短衣曾

去國白首尚飄蓬不讀荆軻傳羞爲一劍雄

久不得韓呂消息

平生好遊歷此別日偏多嶽寺聽猿住江鄉傍虎過衰羸吾
自念疾病爾如何短榻依然在空房鎖薜蘿

胡介再過邗上

相逢知不易一拜淚潸然此地又春草吾生俱暮年囊空出
詩卷廚冷動炊煙者舊今誰在尊前各自憐

晚出燕子磯東下

江天忽無際一舸在中流遠岫已將沒夕陽猶未收自憐爲
客久轉覺到家愁別酒初醒處蒼煙下白鷗

歸昌世一首

昌世字文休崑山人崇禎末以待詔徵不應有假菴

詩草

列朝詩集文休風神散朗有材氣善畫墨竹能草書
與李長蘅交好晚作和陶詩爲程孟陽所稱
無聲詩史文休墨竹枝葉清洒逗雨舞風有渭川淇
澳之思兼工印篆
靜志居詩話歸熙甫長於筆而短於詩讀季思文休
作覺後來者勝
田按文休太僕孫也與叔父季思俱以節操名五言
有柴桑遺韻

和陶雜詩二首

宇宙何茫茫起滅同一塵胡爲一日間各營百年身華堂與
崇邱去疏來者親我廬非我有四顧誰爲鄰有如遠行客當
夕已戒晨有懷不勝嗟舉目皆勞人

束髮萬里志終焉老一經夕秀復朝華孺子多早成老少不

相及時事亦變更隱几靜焚香和墨書黃庭草莽無遠圖不寐晨雞鳴兵食仰東南愴然傷我情

歸莊一首

莊字元恭崑山人太僕丞有光曾孫諸生有恆軒集

山游詩

靜志居詩話恆軒好奇世目為狂生善行草書嘗題其齋居柱云入其室空空如也問其人囂囂然曰鄉邨傳之謂可入敢顏錄其名字屢更崇禎中忽請於學使者改名祚朋自是以後或稱歸妹或稱歸乎來或稱元功或稱圓公或稱懸弓恆軒其別號亦號普明頭陀又號鑿盤鉅山人沒後女婿金侃輯其詩文名字一從其舊焉侃處士俊明子能詩畫亦隱居不出董含三岡識畧墨竹一派自梅道人後宣正間則推夏景論者謂可比石元鎮徐渭王問俱不及也邇來畫者雖多輒歸太僕孫莊氣韻蕭疏頗得古人遺意莊別號鑿盤鉅山人性好奇醉後揮灑常畫巨幅

題一絕貽予云勁節寒姿是性生颯然筆底作秋聲吳兒只解稱朱鷺柳葉蘆苗浪得名鮎琦享集外編世傳萬古愁曲于瑰瓌恣肆於古之聖賢君相無不識詞而獨痛哭流涕於桑海之際蓋離騷天問一種手筆但能定其為何人所作近人或以為謔翁或以為道隱或以為石霞皆鮮證據惟魏勺庭徵君及其事於恆軒壽序子始取而跋之沈繹詹事謂世祖章帝嘗見此曲大加稱賞命樂工每勝歌以消食古之遺民野老記甲子哭庚申大節潛伏於殘山剩水之間未聞有得播與朝之鐘呂者是又一異事也恆軒少入復社於書無所不窺嘗同顧推官舉師不克行遊得免書淫墨癖遂以佯狂終身

落花

枝上黃鸞漸露身飛英歷亂墮紅塵將隨薜荔依山鬼難共靡蕪待美人河北名園貪結子武陵歸棹欲迷津香車寶馬緣都盡天與幽人一錦茵

顧樵 三首

樵字樵水吳江人

今世說顧樵水詩篇秀絕畫亦屬能品嘗作秋林圖贈吳梅村吳歎曰對此尺幅使人幽思頓生

元夕後一日集暉樓

燈火仍看滿禁城
良朋尊酒歲時晴
柳條猶待東風發
月色還同昨夜明
橫笛樓頭離別恨
落梅簾外踏歌聲
山陽舊侶雖無恙
逝水年華百感生

題吳嶧山儀部讀書堂

門對長河煙水寒
閒鷗日日到沙灘
溪流汎出桃花片
知是山中春已殘

竹橋池館

嶢嶢石磴水滌迴
常有溪雲入樹來
行過竹橋通別徑
始知花裏有樓臺

徐繼恩 二首

繼恩字世臣仁和人
貢生晚為僧名靜挺
字假亭有

十笏齋詩鈔

今世說徐繼恩少擢茂才異等舉明經遭亂不仕隱於竺乾山中天性英爽不耐憂煩嘗謂人非金石立見銷亡不若逃形全真肆志方外

宿泉亭卻憶笠菴道人雪川次韻

空山雲影碧棱棱
極目寒原第幾層
煙樹倚天迷宿草
霜花緣路隔疏藤
鳥嘯古塔泉亭月
雁度虛窗蕭寺燈
惆悵我來

君作客卻尋高詠過吳興

虎邱

虎邱石上夜唳鳥說法生公近有無山寺鼓鐘還寂寞吳宮
花草半荒蕪人從鶴市歸帆遠客夢鷄陂落月孤最是麻姑
閒舞袖乘風飛過洞庭湖

文枏一首

枏字端文長洲人有慨菴詩選

長洲縣志端文從簡子甲申後奉親隱居寒山父歿徙居陸墓與韓孝廉沐方文學夏結茅耕樵以終畫徵續錄端文畫山水一稟祖法所著有青氈雜志

合流菴

合流門徑古數里入松林室小迎朝旭牆高載夕陰梅花臨

澗發竹色傍山深隔嶺吾家近還期早晚尋

楊補二首

補字無補一字曰補號古農先世清江人移居長洲

錢謙益有學集無補壯歲遊長安詩名藉甚余賞其警句曰閑魚食葉如遊樹高柳眠陰半在池以為文外獨絕書之扇頭爭相諷誦歸而與邢昉顧夢遊刻意濯磨為清新古淡之學詩道於是大就善畫落筆似黃子久
讀畫錄古農嘗畫小幅大不盈掌自題云永嘉郭外山川點點皆倪黃粉本也金俊明題此幅是龍友令永嘉時古龍遊經其地憶寫所見秀澹潔朗擅元人之勝龍友會為古農作小幅轉以相贈筆致亦絕類此可知良友氣味相入也王阮亭一絕云布衣曾說楊無補筆墨風流自一時留得永嘉遺跡在殘山剩水也堪思

龍友偕遊玉甌峯

舍舟白石村籃輿遵澗麓窈窕青翠光盤旋上空曲渾渾太

古峯巖巖壓坤軸赤立起中天頽然表太樸我行繞厥趾仰
睇魂魄肅有泉白巔來霏霏落珠玉霑灑溼暑衣從風散百
谷凌晨眺巖霏亭午穿巖腹縹緲開精藍因崖結爲屋稍憩
登頓勞還依石床宿壑暝雲歸同夜靜泉喧族謝公行田處
微月照煙綠曠哉棲真士於此翔高躅只今峯上頭痕有雙
白足惆悵區中緣明朝苦何從

輕順閣看月和邢孟貞

海城清曠地夏氣只如秋此夜生明月羈人共倚樓蒼山橫
玉笛烏鵲近簾鉤晚興坐超忽鳴琴成獨愁

周祚新一首

祚新字又新貴州衛人崇禎丁丑進士授戶部主事

程正揆青溪遺稿題周墨龍畫竹此君寥寥三百年
雖如石田健拔停雲超逸不復見長蓋以用法易得
筆難也墨龍獨力追古不踐不入一時無輩梅花復
起必日似我
廣陽雜記周祚新貴州人弘光時兵部司官遂家南
京善畫竹號墨奴今其遺跡已貴如拱壁矣
無聲詩史又新寫墨竹得文洋州梅沙彌心印蓋又
新所藏多名蹟而與可仲圭之襪材咸萃青箱故能
爲此君傳神也
黔詩紀畧又新擅詩畫墨竹尤擅長李專題墨竹云
琅玕三尺凡五節節節思化仙陂龍謂非與可不能
辨竟是人周墨龍又新爲楊龍友妹壻收藏鼎彝
書畫不亞於龍友惜其集無傳

詠春水

湘娥細翦鸚哥翎水仙綃帳鯉魚腥天池浩瀚蒼溟溟蔚藍
倒映淵泓渟楊花未飛蒲未長縠紋蕩漾晴如紡漪漪曲曲
似有情小小輕舸不用槳

呂潛 十首

潛字孔昭遂甯人大學士大器子崇禎癸未進士有

洞宛懷歸草堂守閒堂課耕樓等集

漁洋詩話呂潛字半隱故明兵部尚書大器之子亂離後流寓江左有詩云橫江閣外數帆檣立盡西風鬢欲霜只有細心不東去蚤隨煙月上瞿唐畫徵錄孔昭善花草用筆放縱而不越矩矱神氣清朗可貴性曠達淡於仕進入國朝遂不出以詩畫娛老

送友蒼上人住水西

瓢笠歎無定名山久待公雪殘春路滑雲過晚江空道口馴
岩虎鄉心折塞鴻還憎多慧業詩句滿南中

秋水園卽事

近午過重溪亭空春草齊幾家團市小一寺背山低花隱漁
人路香留燕子泥前賢遺澤在五夜尙聞雞

邗江夏夜懷史赤豹蕭寺

飛鳥不知處孤城生暮雲吟邊誰是苦鐘畔爾先聞

王閣風號故相墳蜀岡有歸路吾亦戀斜曛

吳園次罷守吳興感贈

不悔無家計蕭條傍雪村經宵焚柏子向月倚桐孫楚塞煙
波濶吳船洞壑尊有時念漁父短服過柴門

江陰晤年友張四若志感

二十年前別重逢白髮生登堂如有淚對面各無聲多難惟

存骨居貧不墮名天涯兄弟少悽絕動江城

石亭寺樓與友人話舊

江濤如雪亂飛鴉客裏逢人漫憶家杜宇叫殘巫峽夢鷓鴣
聲斷嶺南花天涯寄食無耕土世外藏名有釣車試看滕王
遺跡在西山空對晚煙斜

汴梁

魚龍去後息兵爭萬井依然禹甸清望裏遺宮春草沒吟邊
古戍夕陽平遊梁詞賦慚司馬入洛年華異賈生欲問夷門
栖隱處荒隄衰柳不勝情

過蜀府

鐵券金符付劫灰桐圭零落蜀王臺誰從輦路鳴鞭過猶記

宣門拜刺來曾井寒泉沈鳳羽天街白日走龍媒短堦桃李
家家發畫角聲中杜宇哀

歸雲菴偶題

竹院煙光合秋山樹影分自憐長作客歸計不如雲

邱母望桃花

十里桃花岸無嫌策杖遲正宜稍遠處最好未開時

張翥 四首

翹字大風上元人諸生有雙鏡齋詩

讀畫錄大風家貧惟容膝地每天雨湫隘踞卧書案
上常累日嚴冬冰雪與鄰舍生談裸脛立或移漏刻
妻亡不再娶大風畫無所師授偶以已意為之遂臻
化境瀟然淡遠幾無墨路可尋秣陵畫家掉臂孤行
者大風一人而已貌頎偉美髭髯望之似深山老煉
士工圖章詩賦少時為諸生甲申後遂焚帖括衣短

後佩刺綵走北出盧龍上谷覽昌平天壽諸山所
至公卿爭相迎大風揮灑應之有中貴子招飲邀館
幕中大風起立瞪目不答酒罷引去一日與盡即治
裝衣舊衣騎驢而歸性幽僻多寓僧寮道院不一省
其家所為詩若詞皆秀警可誦與人處渾渾不露圭
角畫尾署真香佛空四字或稱昇州道士
畫徵錄大風善畫山水花草筆墨中之散仙也

江村晚望

春來無幾日碧草徧溪灣為看水中石忽逢花外山江船載
酒賣野老得魚閒今夕多新月柴門不用關

落日

寒煙上邱隴落日下羊牛一澗琴泉響四山紅葉秋霜茅失
樵徑獵火見漁舟歲晚罷耕種商畝纔薄收

同劉旅皇飲借集看菊

黃花開石屋歲晚足摩娑飲酒亦逃世哀時恆獨歌地偏風
露冷江逼雁鴻多即此成嘉遯蒼生奈爾何

田園即事

樹底雲生隔淺茗花間犬吠出危橋綠林麥熟經晨雨艤岸
船高入夜潮計拙兒童諳稼穡時違兄弟老漁樵田園長更
餘風月村北村南酒滿瓢

周容一首

容字鄧山鄞人有春酒堂集

徐文駒集鄧山以勝國諸生放之於酒無日不
飲無飲不醉其耿耿者不能自釋或僧寮野店忍泣
吞聲或臘水殘山章皇慟哭又以詩洩之振筆一揮
清詞麗句風發泉涌傲岸兀獨來獨往
鮪琦亭集鄧山先生少即工詩常熟錢侍郎牧齋稱
之謂如獨鳥呼春九鐘鳴霜所見詩人無及之者錄

其詩於吾炙集國難後棄諸生放浪湖山世多方之
徐渭非其倫也先生以布衣詩人名顧其素心原不
肯以山澤臞夸篇什者即其救徐御史心水一事要
非東西京人物不足語此先生未知名時為御史所
識御史一日遊山莊為士兵縛去實平西將軍王朝
先營囚水牢中先生故常來往海上諸營多相識者
挺身往請之朝先握手道故遠釋御史歸部下大譁
朝先武人忽發怒不先生獄榜掠之足由是箠嘗自
笑曰吾今且為半人因別署篋翁最工書亦喜畫飲
酒數斗不亂故諧問作輒傾一座
畫徵錄鄧山善書工畫疏木枯石自率胸臆蕭然遠
俗不拘拘於宗法

丙申閏月晉陽寄懷固菴

朝遵滹沱涯暮宿井陘昏回首指燕關燕關日先沒朝上晉
陽樓暮望燕關月作書久莫寄封書還自發寄書莫寄黃金
臺黃金既盡徒蒿萊獵犬追兔雙皆赤何處一奠昭王杯寄
書莫寄擊筑處沽酒不醉容易去往事唯留易水寒易水何

嘗遶丹墓寄書莫寄西山雪春後作波流勿絕杜鵑止在江
南嗥誰護陵傍花似血寄書莫寄荊州君大篇隻句天下聞
結客破家二十載只今瘦馬隨時人報國寺松雙樹亞開元
父老譚閒暇市兒過盡生江風一月幾回步其下嗟嗟去歲
入燕關雁叫霜天衣袖單投旅愧人問何事南裝倉卒多旁
看明朝買驢強造謁撲面塵埃路交窄右讓雕鞍猶未過左
輪摩膝讓不得下驢呼僕牽驢行大宅華門多送迎紛紛云
是貴長者廷尉丞相將軍名黃色狐裘貂色紫上鐙下鐙竟
誰子相逢垂手點頭偏斜鞭直入明光裏我一見之但惆悵
故交茫茫戶南向闈者如帝懶作鷹張腮挺腹形軀壯冬陰
何短歸路遙獨君倒屣逾久要出酒坐對燭花落階已白

冰花高燕關五十有一日半在松間半君室尋常減米移蚨
錢雨霰市中增炭值臘之六日有晉遊前一夕半猶我留出
卷索題并索畫醉深捉筆同乘舟次晨馬上經君戶呼君不
出知君卧蹠躩踏轉蘆溝西胸中松與君交互暮宿井陘春
燕關月如玦朝上晉陽樓汾河水泱泱三春青草不到堦夏
五燕子空飛來土沙雜著橫梁粉辛苦與雀爭虛阨江南白
芒吹新澣今日披裘寒色滿只看氣候甚參差驚覺故鄉程
更遠所慰主人情殷勤尊前時時說及君囑君頻上慈仁閣
爲我遙望太行雲

項聖謨一首

聖謨字孔彰號易菴又號胥山樵秀水人有朗雲堂

集

容臺別集項孔彰畫眾美畢臻樹石屋宇花卉人物
皆與宋人血戰就中山水又兼元人氣韻雖其天骨
自合要亦功力深至所謂士氣作家俱備項子京有
此文孫不負好古賞鑒百年食報之勝事矣
畫徵錄胥山樵畫初學文衡山後擴於宋而取韻於
元其花草松竹木石尤精妙
吳越所見書畫錄在鴻緒云項孔彰山水全師北宋
兼擅寫生尤善畫松故明時項松之名滿東南
用按孔彰書長於仿古余見其册頁數事山頭聳峭
怒濤飛立得力於北宋大家而別饒氣韻可稱能手

自詠松濤散仙圖

偃息松濤一散仙葛巾挂壁自閒眠窗前有竹聊醫俗不到

長安已十年

墨緣兼觀項聖謨松濤散仙圖自跋云余髫年便喜
弄柔翰夜必篝燈著意描寫昆蟲草木翎毛花卉無
物不備必至肖形而止忽一夕夢筆立如柱直干雲
霄上有層級如梯長可一二丈許余登而據其毫巔

鼓掌談笑嗣後師法古人往往自得自丙寅六月書成招隱圖後此第二卷也命曰松濤散仙圖偶有自咏詩云云

蕭雲從 一首

雲從字尺木一字默思太平人貢生移家金陵晚稱

鍾山老人

池北偶談蕭尺木以畫擅名江左嘗作杜律細一卷以爲杜律無扃體者穿鑿可笑而援據甚博圖繪寶鑑續纂蕭尺木明經不仕筆墨娛情不宋不元自成一格陳琰曠園雜志胡瀛季守太平曰慕燕湖蕭尺木能畫三訪俱辭不見胡怒時新修采石磯太白樓成遂於案牘中插入尺木名攝之至遂至樓中令白壁間若圖成即當開釋尺木年已七十餘方卧病不得已畫匡廬峨嵋泰岱衡嶽四大名山凡七日而就遂絕筆至今登樓者歎賞不置畫與斯樓俱傳矣事與沈敬南絕相類畫徵錄蕭尺木號無悶道人善山水不專宗法自成

一家筆亦清快不俗與孫逸齊名兼長人物生平所畫太平景離騷圖好事者鏤板以傳

郭慶巽餘叢話蕪湖蕭尺木居士以畫名一時詩不多見近得見其集蓋音晞髮之流也詩多七言律又每作必盡三十韻積放自喜不拘聲律以自抒其伎倖無聊之思而已有惜娉詩三十首序云金陵小如杜詩不嫁惜娉意歟蓋寓言以自況也如欲炙銀笙嫌氣煖爲挑蠟炬戒心歎幸未折殘江上柳若爲卜藥水邊村長話祇因經亂後避人偏覺此身多月上莫依人弄笛春殘不見鳥窺簾等句可見又有鍾山梅下詩如海內有春藏北斗雪中無路覓南枝名花嶺上供千佛野雪香中閱六朝皆此意也

郊居詩

隨意寒塘落釣鉤青蛤作伴立竿頭浮雲天際歸何處獨樹溪邊影不留蹈海魯連龍戰日還家蘇武雁聲秋身經遷播皆萍梗一有吾廬更有愁

金遠 一首

遠字遐生長興人

吳興詩存遐生性耽山水種梅百樹時吟其下工畫能詩自擬在淵明和靖間

浦上晚歸看雪

春來頻見六花飛白屋家家盡掩扉獨有野人幽興劇夜深猶載滿船歸

明詩紀事

貴陽陳田輯

辛酉

許友 六首

友字有介又名眉字介壽侯官人有米友堂集

錢謙益音炙集余在南京為牛腰詩卷所困得許生詩霍然自開每逢佳處把搔不已

讀畫錄有介畫如其詩蒼楚有致無一毫煙火氣好畫小竹傲管仲姬柔枝嫩葉姿態橫生自鑄許友畫竹章每作竹即用之因予累至京師渡河而北不復畫竹忽放筆為枯木寒鴉蒼涼之態不可把視

十五國風高言集田鬻淵曰有介諸作有振衣千仞

之概有沿流九曲之情淡如菊清如竹

漁洋詩話楚人門巷瀟湘色竟陵胡君信句野航人遠雁聲低侯官許有介句絕名盛一時其詩篇章字靜志居詩話先生才兼三絕名盛一時其詩篇章字句不屑蹈襲前人正如俊鵲生駒未可施以鞴勒

畫史彙傳有介書畫喜臨摹米襄陽構米友堂辦香祀之

晚泊瀛田

片棹以遲勝風輕波復微野煙依樹合沙鳥貼江飛人語孤
鄉近郊燈岸店稀記程今夜始一宿在漁磯

送鄭一作客

苔繡銀刀佩古囊雞聲勒馬著衣裳揮杯滿目皆朋友亂世
逢場卽故鄉斷岸孤舟千里夢曉天殘月萬家霜悲予獨自
看花後春柳深深冷草堂

畫郊行

乳鳩嗥午初醒夢蚊虻雙飛正弄晴此地不因人世好滿村
花柳自清明

春日園居

但得幽居草木安小園數步較能寬芭蕉葉下閒來往一卷
殘書斷續看

讀書夜盡聞鐘聲從白月來

石樓隱向白雲封知在岩龕第幾重殘夜讀書人未臥萬山
明月一聲鐘

山居

落葉蕭蕭正掩門山僧野客坐松根水流花謝無人到煙外
板橋又一村

魯得之一首

得之字孔孫錢塘人寓嘉興有竹史墨君題語細香

居集

李日華墨君題語孔孫天資高亮神明沈鬱居恆祛俗自恣走入竹中挹其颯爽之氣興到一呼墨君登案疏濃單複無不盡意李肇亨墨君題語孔孫竹枝沈酣古法時出靈心不縱不隨亦離亦合心企手追畢臻其妙畫徵錄孔孫善書工墨竹發竿爽勁埽葉清利直由仲圭而追蹤文蘇矣李太僕日華稱為翰墨中精猛之將知言哉晚年右臂不仁以左手畫風竹尤有致

仿管仲姬竹

小蒸溪水晚風前天聖曾瞻翰墨仙剩有筆牀螺黛色為君重繪碧湘煙

徐柏齡 一首

柏齡字節之嘉興人崇禎庚午舉人有昂光樓集

我詩十章大清脫洒筆晚古今鐘鼎如鳴掇放浪遺

形骸瞻眺留日月不作悲離音不著窮愁筆不蹈辟支禪不弄飛騰術蕭然寄天地風雨絡膠漆田申後往來閩越間歸卒

大雲菴舫閣

買得浮家不在江竹梢分綠影漁艘秋風颯颯三更後月擁寒潮到紙窗

朱奄 一首

奄故明宗室諸生世居南昌國變後為僧號雪箇曰人屋曰驢屋驢曰書年曰瀟漢最後號八大山人

邵長蘅青門稿八大山人明宗室居南昌遭變棄家遷奉新山中為僧監拂稱宗師臨川令胡君聞其名延之官舍年餘意忽忽不自得發狂疾忽大笑忽痛哭竟日裂浮屠服焚之走還會城猖伴市肆間小兒隨觀譁笑人莫識也山人工書法行楷學大令魯公能自成家狂草頗怪偉亦喜畫水墨芭蕉怪石花竹

及蘆雁汀鳧倚然無畫家町畦山人有詩數卷秘不
令人見予見山人題畫及他題跋皆古雅間雜以幽
澀語不盡可解
書徵錄八大山人有仙才隱於書畫題跋多奇致不
甚解書法有晉唐風格擅山水花鳥竹木筆情縱
恣不泥成法而蒼勁圓暉時有逸氣所謂拙規矩於
方圓鄙精研於彩繪者也襟懷浩落慷慨嘯歌世目
以狂及逢知己十日五日盡其能又何專也

題畫

郭家斂法雲頭小董老麻皮樹上多想見時人解圖畫一峰
還寫宋山河

汪珂玉 二首

珂玉字玉水徽州人僑居嘉興崇禎中官山東鹽運
使判官有鴛水月社篇西山品蠟屐音

四庫總目汪珂玉珊瑚網法書題跋二十四卷名畫題
跋二十四卷所載法書頗有目觀耳聞據以著錄不

盡其所自藏考據亦未盡精審所載名畫則宋元諸
家銘心絕品收錄極詳贖素之富誠為罕有
靜志居詩話玉水不卑小官留心著述所輯珊瑚網
一編與吳下張青父品題並駕惜乎詩草甚富泯焉
無存

蘇小墓

無限春風無限情千年猶想碧油輕歌殘井畔桃花落舞剩
亭邊柳葉生漠漠香魂疑月影茫茫玉質斷雲橫仙才仙色
何曾死不獨錢塘夢得成

項氏所藏管仲姬竹卷友人得之已斷後跋忽有得其

題語者為中峰及松雪兩翁手蹟時反疑為贗作為

賦一絕

露葉煙梢幾幅攤晴窗影落石泓殘堪嗟書畫金湯失一樣

河山破後看

張穆一首

穆字穆之東莞人有鐵橋道人稿

遺民詩鐵橋道人少奇挺知劍術壯歲來吳中任俠自喜結交皆名下士兼工詩畫吮毫潑墨橫睨無前其意欲有以自見不得遂歸隱羅浮以終

元夜過魏和公旅邸明發有瓊海之別

眷言同意氣離合便相關良夜不重得遊人難久閒明燈寒

共影濁酒煖開顏此地能長聚菰蒲別世間

來蕃 三首

蕃字成夫蕭山人諸生有北沙集

西河集成夫貧空敝衣縷裂所儲圖史外惟瓶盃十餘實米鹽絁絮每出行書衣筆裘手自抱持至有挂

兩肘纍纍蔽以博帶儼五石匏者邂逅廣坐端視緘默值君者多卜君語默以示臧否至為語云言勿言視來蕃甲申以後去舉業焉詩古文詞始以博大自喜既好為瑰奇儻之語既又力追先秦崇尚奧衍精六書能作古六魚籀大小篆及隸入神嘗作故明二畿賦雄博頡頏抵轍前古人以口踏厭讀之惟虞山錢宗伯見之稱曰此馬季長之賦也少游蕺山之門蕺山日子袁百甫也吾初以子為狂今知猿者也

板蕩三首

板蕩崇禎末遺賢尚有人終朝常掣肘抗疏敢危身九廟精


靈格三邊涕淚新時危不可捄西北望煙塵

伏枕蒼江上貧家獨樹幽共留千里駕客共百年憂晚秬垂

寒水秋瓜蔓故邱江山已砥異徒傍望京樓

野園秋水曲村徑窶人情苦菊開孤嶼青山遶廢城老宜驅

續往貧擬賣魚生尙識前知事垂紳際聖明



明詩紀事

貴陽陳田輯

辛籤

張綱孫 十三首

綱孫一名丹字祖望錢塘人有秦亭詩集十二卷

四庫總目丹與陸圻柴紹炳陳廷會毛先舒丁澎吳百

朋所刻原名從野堂集前有自敘一篇述其游歷所

年而詩格與之俱變毛先舒稱其悲涼沈遠矯然不

羣朱彝尊亦謂其五言古體波瀾老成南北行旅諸

篇尤為奇崛又嘗批其北歸詩云句成學杜句不

襲杜句詞邁知已思君杖履定登臺之句今觀其

有慚我詩詞邁知已思君杖履定登臺之句今觀其

全集其七言古體亦宕逸可誦不獨五言特諸體未

能悉稱律詩尤不免率易尺餘手足胷背皆有毫寸

許夏月好坦腹臥樹下視富貴若不介意性恬淡不

辛籤卷二十八

樂交遊好為詩古文詞喜山水深溪邃谷不避險阻
每得意長嘯忘返毛稚黃言祖望詩蒼澗頓挫如大
漠風莽莽無極
西陵十子詩選祖望骨格蒼勁雖其源出於杜陵而
法能獨運語有利鈍無妨老境
靜志居詩話秦亭詩方之西陵諸子逸倫絕羣
詩觀二集祖望北游五言古可頡頏少陵入蜀諸作
田按祖望早年入西陵十子社望其詩無甚殊絕晚
乃蒼渾雄肆人固不可無年

坐安隱寺

箕坐青苔石虛谷聽未了法堂隱竹暮古殿敞松曉澗深生
深雲藤垂怯隱鳥回顧白石潭傍映蘿月小

贈孫宇台

梧桐生高岡爰伐為兩琴一彈琴秀歌一彈采薇吟鼓宮亦
宮調鼓角亦角音是知相感物所貴在同心同心可企古其

利比斷金哀歌恆不見彌思商雒岑

琉璃河

仲冬嚴氣寒堅冰白似骨策馬琉璃河橋滑不可越從者挽
繯繩兩足尙棹杙前人戒後徒那知墮倏忽闕干有鐵棹半
插沙水窟云昔王將軍勇氣殊不沒死難梁晉時慨慕將鬢
將

廢園郎季干沈去矜夜坐

微月向荆扉古樹流螢白涼風吹懷抱雜坐感今夕惜哉芳
樹園零落生薇蕨海燕始去帷寒蛸早居壁歌梁想餘音舞
臺誠遺迹既成颺颺徑復象萑葦澤幸藉二三友秉燭譙良
席何以慰所思清言庶悅懌

山居

人生苦不足趨利無窮年孰是能居貧而終寡所牽入山不
必深且耕南村田解衣桑樹下負薪古墓間古墓多白骨蕭
蕭生寒煙及時當行遊恐爲樵牧憐

贈恒貫上人

尋師萬里外隨宿古招提天盡條枝北河流大夏西秦關看
雁去蜀道苦猿嘯應覽名都勝津梁路不迷

秋雨

棟雲迷昨夜簾雨暗來朝門接黃溪水樓聽白塔潮花鷗形
泛泛魚虎羽翹翹閒問投鼠者前村縱木橈

湖上

湖山聊自放天地一高歌草色秦亭合松聲伍廟多微風低
白鷺陰雨叫蒼鴉欲溯中流去愁心奈若何

鞏華城雪望

秣馬荒城暮霏霏雪滿天寒雲垂大地春色散長邊赤豹藏
妖窟黃熊走獵煙客心終不遂頭白此山川

度泗水

泗水流波濶千年齊魯間大魚噴沫起老馬鬪風還落日依
蕭縣孤雲出碭山始皇求鼎處寂寞一沙灣

蚤過沿山

已背沿山縣龍門此界開高帆帖嶺度奔溜射潭迴古壁攢
風穴晴雲洗石臺幾翻歌嘯起穩坐興悠哉

過小孤山

山勢插江出中流斗壁迴潮分彭澤大石裂馬當開鬼斧龍宮削神雲鶴觀來小姑不可見愁絕望妝臺

積雨

積雨西湖後開簾望遠汀輕舟依獨樹細草上荒亭鶴鶴晚風足魚蝦春水腥那知蓬戶外山色盡冥冥

沈謙 十三首

謙字去矜仁和人東江集

今世說去矜少穎慧六歲能辨四聲長益篤學嘗自言著作須手定自刻庶保垂遠若以俟子孫恐故紙斤不足當二分直也僻處杭之東偏聲名藉藉吳越齊楚之士過鼓村車轍恒滿西陵十子詩選柴虎臣曰去矜詩如秦川佚女巧弄機杼心于既調花鳥欲活聆其啞軋之聲皆中矩度

又加金簧初炙脆而不裂靜志居詩話西陵十子多以格調自高去矜兼采組於六朝故特溫麗田按去矜樂府安雅中節五律高朗七律雄麗洵是才人之雋

引聲歌

外極莽蒼內保精粹至人不言四時咸備理不出身道不在智形體塊然神明所寄虛心實腹抱道守真大化迴薄與仙者鄰運斡圓象敷而廣輪陰陽不害庶得平均

秋閨曲

寂寂璇閣暮迢迢玉塞秋紫苔生古砌華月映空樓寄書北雁少臨鏡翠蛾愁戍火遠猶見寒衣擣未休掩巾時裏淚挾瑟憶纏頭畏聞銀漢裏早晚會牽牛

行路難

美人遙夜開金堂輕軀緩步搖明璫含情凝睇如不樂博山
火冷銷都梁紈扇團團象明月羅衣肅肅愁嚴霜人非一身
誰不別攬此盛年情莫當不見芙蓉猶並蒂下有比翼雙鴛
鴛

晚眺

川原望不極孤客自登臺落日大荒遠平沙秋雨來青門生
事渺白石壯心哀歸思西風後空憐作賦才

新霽

曉起積陰散荒原極望時雲晴芳草合日上大江遲世事獨
不見天涯有新山中媿高臥得有外人知

八日卽事

去國又八日風光殊可憐江鴻迴東雪沙竹淡春煙世事交
遊淺鄉關戰伐偏病餘聊騁望無那惜華年

震澤眺望

湖光千頃對斜曛隱見三洲望裏紛朔氣自蒸天日雨秋風
不散洞庭雲橫琴坐嘯龍應下岸幘驚看酒半醺何日扁舟
沙草外可知鷗鷺是吾羣

同柴虎臣張祖望毛馳黃景明登張氏樓晚眺

張氏樓高暮色深諸公間日暫登臨沙邊雁落依春渚雨外
龍歸帶夕陰湖海漫窮千里目干戈難寄百年心坐中誰是
多愁客苦對東風作楚吟

九日言懷

九月九日意不慙杖藜扶病登高臺盈樽綠酒此時醉舊國
黃花何處開金管玉簫激霜霰銅駝鐵鳳生莓苔望鄉不見
遠天盡蕭瑟江山歸去來

旅夜

旅館淒淒清夜徂半生流落魄妻孥可憐戰伐多新鬼何處
乾坤著腐儒砧杵萬家明月苦旌旗千嶂野雲孤帛書漫託
南雲逝未信衡陽雁有無

久客

久客西陵道蕭條愁殺人梅花昨夜發山縣又逢春

復愁

遣愁一何難復愁一何遠湘水杜若開欲采不得去

遇俠者

將市百金劍笑脫千金裘相逢無一語攜手上青樓

柴紹炳

四首

紹炳字虎臣仁和人諸生有青鳳軒集

毛際可西陵五君子傳虎臣博聞強記下筆輒數千
言華亭陳子龍負重名為序其青鳳軒集以傳曰東
南奇士也性純孝聞父卒於官號擗欲絕見者隕涕
里中兒以父答出亡虎臣向之流涕曰僕雖欲如受
父小叔詎可得哉作遊子遇孤兒行示之其人感悔
自責

張清原蓉湖文集康熙己酉詔舉山林隱逸之士
范中丞以先生應時已老病力辭乃已又謂刻其所

著書則曰身隱焉文范嘆息而止
西陵十子詩選毛馳黃曰虎臣詩如連雲夏屋亡論

懷棟堅壯即研稅構櫺都無細材
田按虎臣以行誼重小詩卻自綺麗

喜陸大景宣歸河渚

征塗幾歲竭歸來庾信江南重可哀
春雨草連村市沒曉風花傍戰場開
我思賣藥仍無地君定垂綸何處臺
總是他鄉成浪迹故人相見且銜杯

沈去矜見懷率爾奉酬

舊國離人賦轉工幾經搖落向秋風
何堪芳草王孫綠自惜名花簡子紅
去矜近習鑿簡子藥草也吳越江頭方逐鹿
臨平湖上有冥鴻於今每發相尋夢
定在蒹葭白露中

江南絕句

春來百種花百樣香癡小如花女百樣可憐妝

哭覺上人

即江子道
開號夢破

彩筆豪吟四十春誰知布衲老風塵
江南花草渾閒夢不道文通是恨人

孫治二首

治字字台仁和人諸生

西陵十子詩選毛馳黃日字台筆墨清拔淳而不疏
去初唐最近故五者佳境能挹武德之夷澹兼垂拱
之凝整
靜志居詩話字台刻意摹古甯質不佻

清溪

徙倚清溪側徘徊高柳間
鳥飛仍帖水雲吐復歸山
野客荷鋤立漁人擊楫還
狂歌出塵表興盡掩柴關

酬去矜十六韻

諸賢盛越絕才子本吳興
大雅於斯振風流夙所稱
賦成梁

苑雪詩詠玉壺冰上客從鉛槧佳人擁髭髯雄辭奪鮑照宮
體駕徐陵警枕盤龍錯玄亭白鳳升中原孰長弟下走豈曹
滕似子才無敵倏然帶不勝關河愁極望風雨夢相仍菊戀
陶彭澤鱸思張季鷹九歌虞太乙雙樹問高僧野徑尋芳草
扁舟賦采菱蒯緜唯一劍孤館對殘燈白玉誰為剖青雲自
可凌賈生哀鵬鳥莊叟說飛鵬都是煙霞侶幽棲共百層

朱鶴齡 四首

鶴齡字長孺吳江人諸生有愚菴小集十五卷

四庫總目鶴齡始專力於詞賦自顧炎武勛以本原之
學始研思經義於漢唐注疏皆能爬梳抉摘獨出心
裁故所作之章亦悉能典雅醇寔不蹈剽竊摹擬之
習其郎郎衛三國禹貢三江震澤太湖嶧冢漢源諸
韻語頗有裨於考證嘗箋注杜甫李商隱詩集故所作
韻語頗出入二家之間而寄與清遠能不自掩其神

韻與錢謙益為同郡初亦以其詞場宿老頗與倡酬
既而見其首鼠兩端居心反覆薄其為人遂與之絕
所作元裕之集後一篇稱裕之舉金進士歷官左司
員外郎及金亡不仕隱居秀容詩文無一語指斥者
裕之於元既足踐其土口如其毛即無反詈之理非
獨免咎亦諱當然乃今之訕辭詆語曾不少避若欲
掩其失身之事以誣國人也者非徒悖也其愚亦甚云
云蓋隱指謙益輩而發尤可謂能知大義者矣
靜志居詩話長篇說經鏗鏗長於箋疏之學所撰毛
詩通義尚書坤傳禹貢箋注左傳日鈔發明宋儒集
注集傳所未及顧不甚傳惟杜甫李商隱集注盛行
於時松陵文獻稱其遺落世事晨夕一編行不識路
塗坐不知寒暑人或謂之愚因以愚菴自號蓋寔錄
也

春望

草色亂青緜春歸綺陌斜野煙生不斷古樹禿還花白鳥依
漁艇青山帶酒家杖藜風日好憑底答韶華

過周安期山中故居

霜葉重重合翠微石苔行迹尚依稀身逃谷口名仍在賦就
甘泉世已非書帶漫隨寒燒盡薛帷俄逐水雲飛白蓮香舊
多凋謝更與何人共釣磯

柳枝詞

十里紅亭嫋嫋春任他輕拂陌頭塵如今世路輕離別誰倩
長條縮去人

秦淮花燭詩為江右蕭孟昉作

合歡雲錦爛花蹊月扇銀燈隊隊齊今夕蘭房佳氣滿催晨
不用汝南雞

顧夢游 五首

夢游字與治江甯人副使瓌曾孫崇禎壬午歲貢生

有緣茂軒詩集八卷

四庫總目夢游與葛一龍邢昉諸人相倡和詩格皆近
中晚施閨章序稱昉詩學勝才夢游詩才勝學亦二
人之定評也

有學集與治筆墨妍雅晚年屢陷坎珂無子窮老以
死施愚山經紀其喪又屬其友方爾止網羅放失舊

稿手自排纂刻而傳之
今世說姜子翁被難繫獄與治力營救不能出除夕

遣甥梁爾礪同囚守歲久始得雪甫田宋比玉與與
治善比玉沒與治走聞哭伐石表墓南州蘇武子工

古文死與治鐫板行世武子以有聞北平于司直好
奇結客遊秦淮死無恤者與治舍殮理喪又板其文

傳司直石阡費考功筆山罷官貧分宅居之歿葬願
氏塋旁始筆山令福清稿佚遠求得之行世又周旋

釋剌公難幾株及剌公寂蒐其遺左雜詠存之其高
致類此

愚山集曹公學佺選十二代詩士爭附以立名夢游
獨屬故舊遺草而不及已詩曹強發其笥得一帙刻
之日真詩也善行楷書如靜女高士閒逸可喜
周亮工賴古堂集與治詩清真絕俗別成一家讀者
望而為高人介士之詩也

田按與治任俠有東漢人風好刻故人遺集其卒也
愚山爲之刻集施報不爽豈不信哉

歲暮寄慧公

寒山無客到破寺有僧存數折入松徑一籬開竹門耕牛閒
早土野雀噪飢村託鉢應空返霜天煮蕨根

送邢孟貞還石臼

月當分手夜分外冷高秋蟲響坐來歇林風相與幽到家收
晚稻攜子上湖舟莫戀衡門好遲君上酒樓

徐昭法山房同姜如須楊明遠賦

未免塵中去其如惜別真得朋能愈疾留客不知貧天地存
諸子兼葭老此人相逢惟痛飲往事莫沾巾

吳門別友二首

未是還家客船開亦當歸可憐衰柳路猶作斷蓬飛勝地宜
遊展良朋待款扉霜天扶病去山水兩依依
臨發更移寓多時住半塘清秋閒竹杖白日臥藤床茶費老
僧供餐分高士糧累人非一事方晤久空囊

董說十三首

說字若雨烏程人詩人選周子崇禎諸生晚爲僧名
南潛字寶雲有人間可哀采杉落葉西臺病孔雀紅
蕉登峰臨蘭亭雒陽洞庭雨鬪韻牌畫石西荒洗藥
積雨夕香挂瓢拂煙等集

董氏詩粹豐草菴集十一編篇體驚奇後依靈巖繼
起和尚弘儲出家詩亦脫落凡近變奇麗爲清峻
靜志居詩話若雨腹笥便便未免有才多之恨至其
硬語澀體絕不猶人方諸涪翁不足比於饒德操有

餘田按若雨遜迹空門未黜綺語觀其自序云我不能如世之詩珠聯漢魏璧合三唐也又不能如世之詩鬼言無蒂沈墮秋煙也耽情於方外合社於漁樵遊夢於山經孤癖於香法可以得其意境矣

諸葛茶

玉壘愁雲鵑血紫花落幾迴桐鳳死惠陵草沒石麒麟昭烈陵名

惠陵八陣圖空咽江水蕪菁一握雁門秋葛山打鼓祠武侯

西田謠壽王太常煙客

西田老人雙頰朱西田秀野天下無為督西田看雲約十年
不寄西田圖花連鹿柴辛夷香輞川流傳圖卷長古今相望
詩畫絕輞川整暇西田荒山水由來貴荒逸高人雅會從真
率西園對話挂西窗霜葉聲中看點筆

漫興

衣借空階葉葉縫杜鵑國裏買孤筇未能逸俗朝評帖一事
如僧夜打鐘眼底三千年舊蹟夢中七十二青峯人間難著
支離叟只合天台對古松

客有和竟字斜韻詩余用其韻

醉漁曬網豎竿斜鳧鴨聲中暫寄家秋晚每租鄰舍艇日斜
去看別村花沙瓶未賣留燒筍樵笠新縫備採茶碎石種成
蒲九節好題齋榜作青霞

感懷

茅屋三間亂篠灘繡苔石落燕泥乾蠶眠初起桑園開茶價
新高瓦鼎寒樵艇許分文畫杖竹筒喚揀釣魚竿摘來姊妹

花偏豔白髮愁看獨倚闌

菴居雜事

僮約新頒種樹科擬鑄花厯石新磨空堂鍊墨搗茶白細雨
借書披釣蓑書帶乍驚脚藥燕卦錢移買放生螺竹枝拗作
池邊柵爲怕兒童摘早荷

書屋初成

九曲籬成自往還亂藤遮屋不須刪愁來草閣四窗雨夢裏
江南萬疊山買艇劣容琴鶴共種松兼辦子孫閒一丸泥斷
東偏路只遣清風夜扣關

住靈巖峰頂

家在松陵西復西樵船春放鷓鴣溪更生昔日元名向中散

先人舊姓奚峰繞石樓遊是夢眼空雲海物真齊藥爐茗椀
生涯冷又盡禪房一蕪齋

舟居遙和石樹上人

一任人猜米老舟莫教藤杖閣船頭筆從白鷺飛時點畫向
青山影裏收小住不嫌尋釣侶移家明日換蘋洲臥遊寂寂
終輸與落葉吟寒客未酬

咏香煙

秦樓曲斷夜偏長愁殺寒衣空自香最是篆煙知妾恨盤旋
畫出九迴腸

題昭君圖

天寒抱馬出邊頭袖拂胡霜雲正愁空有幽魂託明月年年

長照漢宮秋

西村雨來

大幅東絹著水墨雨在陽山箭缺西陣雲未到桔槔卸冷綠

一堆雛鳥嘯

糊窗

幅幅凝霜照格裁樵堂飛不到塵埃白雲莫訝苦相拒清曉

看山我自開

魏學洵 四首

學洵字子敬嘉善人贈太常卿大中子鄉人私諡孝

烈先生有節簷集八卷

四庫總目學洵給事中大中長子大中忤閹被逮學洵微服變姓名匿定興鹿善繼家萬計營救不得柩歸

之後竟以毀卒世稱忠臣孝子萃於一門然學洵尚
有老母而為無益之死或頗疑其過中今觀集中與
潘茂莊書曰追比方始伊將就死家門傾覆無復可
老書曰目今公差來捉旦夕將死家門傾覆無復可
言然則大中公差來捉旦夕將死家門傾覆無復可
於後又重以關黨之威虐數者交迫乃無生理非真
禍之一冥不視蹈滅性之戒故學洵之孝在於大中
其與諸書至性惻隱足以及感天地而動鬼神而錢
士升等作序惟欲以隕身殉父稱之遂諱其追逮之
事淺之乎知學洵矣
靜志居詩話魏忠節公被逮日天大雷電子敬獨跪
攀號請隨行公語之曰覆巢豈有完卵父子並死無
益也子敬乃微服緹騎後探起居抵國門羅卒四布
乃變姓名匿都市營救不可得公既斃扶襯歸朝
夕躡踵未嘗一入寢室淚盡唇焦家人捧水漿以進
卻之曰吾父詔獄中孰夜半而進之漿者病且革進
以藥旬而哀毀死矣思陵卽除朝士上聞於朝以是
海內稱爲孝子大學生同里錢公士升序其集云子
敬之志存則不獨死父死則不獨生是誠孝子之

知已矣當甲子秋忠節掌吏垣以激濁揚清為己任
天下仰望太平子敬獨私憂之歎曰無根之草其能
久乎物不可以終通天殆蘊隆正人之毒而速之感
也未暮而禍作人服其識
橋李詩繫子敬詩近古淡一派時而詭異又似錦囊
中物
錢佳魏塘詩陳子敬有至性入歲就外傳墮橋折足
瀕死不作呻吟聲猶臥吟陶詩以慰親意弱冠才氣
風發詩文落紙為名流所推

龐德公

龐翁襄陽人不識襄陽縣躬耕有餘暇支頤玩時變鹿門漾
春風吹落桃花片區區一角天兒輩已足辦

茅檐雜詩二首

獨坐不知夕時聞棲鳥鳴閒情懷應物淡語憶淵明近借鄰
家棹前移柳下曾道逢田父返相話荳花棚

孰謂貧多暇箋詩更解立業隨當代後癡到古人前瓶滿陶
潛粟囊餘杜甫錢願奢誰過此老我只丹鉛

秋興

一夕西風到畫欄芙蓉消瘦不禁寒身無同調人應笑坐有
新詩眼倦看逐伴未能忘袒褐閉門聊自愛衣冠晚來斗酒
長吟處月下天高白露溥

湯傳楹 四首

傳楹字子輔更字卿謀吳人諸生有湘中草六卷

田按卿謀早擅才華詩多綺語亦有雋語惜年僅二
十五而天未見其止

臥雨有懷次展成韻

遠漏沈於夢溼螢墜不流氣涼初著枕光澹即生秋竹雨彈

虛壁溪雲照小樓客心無可寐清思上簾鉤

曉望

光景雜然出因知人境閒初煙濛獨樹宿雨互前山搔首愁
無際吟魂澹不還江南清曉處幾疊畫屏間

荒寺

蕭條畫堵閉寒塘寺額模糊失漢唐廡曲山魃時弔月歲凶
野老不焚香蒿萊蔓引談經坐烏鼠縱橫選佛場金梵已隨
煙火盡一僧捫蝨立斜陽

新婚

日影和煙上畫廊雙鬢悄立整羅裳傳來絮語欺鸚鵡睡足
脂痕暈海棠扣領含羞留待東寒帷匿笑不成粧守宮的的

爭衾豔未許人前理繡床

繆永謀 十二首

永謀字天白更名泳字于野又字潛初亦曰一潛嘉

興人諸生有苻谿集

靜志居詩話天白韶年深愆公安景陵流派一以蕭
統徐陵所選及左克明郭茂倩之書規模傳習及周
覽四方風氣雖殊終不改度可謂有君子之守者
梅里詩輯天白詩寓感慨於和平寄高華於激壯風
格與雲間陳秋子相近
田按天自諸體俱工七絕尤有丰韻

築隄謠

朝築隄暮築隄築隄何辛苦天雨三月漂我田廬什四五縣
官徵役夫役夫無家室但宿隄下土朝行荷鍤暮行乞食乞
食路傍人飢來不得力前年築隄隄未立今年塞河河更急

洪園竹木下已盡柳條無枝伐不息明年隄成多種樹爲作
官家騎馬路

芳樹

芳樹不知名婆娑樹下行應憐美人意爲傍玉階生綺戶春
風滿高樓日暮情年華猶未晚搖落使心驚

擬古詩

盛年不再得志氣無窮期今日不爲樂來日安可知爲樂將
奈何去日常苦多中流載簫鼓一醉朱顏酡僊人如不死何
不來相過

金陵篇奉寄外舅王翁

四坐皆清聽聽我歌金陵金陵天府國都邑自相承龍盤虎

踞雄江左畫閣連雲接青瑣重門大道七香車桂楫蘭窗九
微火渡江名族舊繁華共羨王家勝謝家十二珠樓萬年樹
三千繡戶滿庭花當年尙憶曾遊處幾歲移家洞庭去今年
復事金陵遊南鄰北里相淹留秋風不識烏衣巷明月斜臨
白鷺洲雄心慷慨應如昨擊筑高歌重然諾囊中不惜沽酒
錢天涯且就金陵約平生自媿郗公親吳苑棲遲三十春窮
途意氣無所惜寸心感激誰能陳卽今搖落江村暮舊恩遠
憶金陵樹一望金陵思渺然石頭城北五湖邊何時滿酌金
陵酒更醉高堂紅燭前

上巳前一日遊支硎山

地迴羣山接支硎人望來昔人今不見迹遺自荒苔曲水迴

香閣長松拂講臺更貪風日美花下早流杯

諸將

大將仍兼五等崇橫戈躍馬舊稱雄風塵關塞三千里倚仗
安危六七公西楚包茅今不貢東方杼柚久應空山河帶礪
虛盟誓麟閣何人第一功

越中感懷

會稽南幸越王宮舊國山川倚禹功千里旌旗橫海上一時
豪傑數江東龍沙日下荒城閉雉尾雲移玉殿空遙想巡遊
多歲月樓船寂寞起秋風

鴛鴦湖

南浦秋風長綠蘋湖光一色淨無塵鴛鴦驚入荷花去唱徹

菱歌不見人

傾脂湖

紅粉青娥夜洗妝
胭脂落盡御溝香
于今流水空宮裏猶送
飛花出苑墻

見月

北風吹後海雲寒
城上樓烏繞樹難
今夜關山有明月一時
秋思滿長安

春思

樓前楊柳數行斜
樓上美人愁落花
燕子不知春已暮銜花
將去入誰家

登舟

石城春色過江灘七里洲前夜未闌一笑登舟望明月回頭
不見小長干

胡山十一首

山初名曰新字天岫宜興人諸生僑居海鹽徒嘉興
有葑汀萬廬東武諸稿

梅里詩輯葑汀詩超邁清空激昂蕭瑟五律尤勝
田按天岫賣藥梅里隱處市闌古詩雄快煙雨樓
一篇聲情綿邈有猿吟鶴唳之音五律亦自清婉

秦山懷古

秦皇奮咸陽六合縱虎視雄若萬馬馳羣英直犬豕滄海何
足夷猛氣壓倫比嵯峨海上山轟峙波濤裏左輦宮中人前
驅挾飛矢東望卻蓬萊西顧渺弱水白雲自去來仙草紛若

芷徐福招未歸沙邱腐天子

古詩

長生希大藥入山炊丹霞呼吸龍與虎黃金化泥沙服之壽
天地顏色如舜華燭火易以滅遠行易以歇上士澹無爲珠
光抱明月

咏懷二首

雲從西山來宿我崖下屋高松夾修篁絕壁瀉飛瀑抱膝謠
鳳凰清音激空谷抗手招仙人雲中下白鹿
秦王尙狙詐策士紛關東時無龍虎士遂令雞狗雄朝橫暮
復縱嬉戲如兒童酒死信陵六國生蒿蓬萬古一片月清
光流絲桐

烟雨樓

烟雨樓頭夕照多，烟雨樓空可奈何。烟消雨歇樓何處，只有
鴛鴦泛碧波。鴛鴦湖水波千尺，鴛鴦湖上曾相識。綺羅城郭
錦江山，桃李容華玉顏色。惟將歌舞送東風，若個妖嬈冠南
國。憶昨承平隆萬年，滄海無波弓絕絃。奇琛四出中貂使，仙
鹿時騰幕府賤。十里滄湖通笠澤，幾灣語水下由拳。裴住宅
畔塞芳芷，陸贄橋南鬻采蓮。水上軒窗微隔雨，波心欄楯巧
疏烟。太守便爲游狎長，豪家不惜粉脂錢。當湖公子藏輕俠，
不逞探丸聚胠篋。風角妖人指異星，重瞳秀士驕長鬣。盡道
封侯骨相成，那知滅族門誅涉。酒後狂圖隱語書，幾乎血濺
南湖楫。春草春花春復秋，湖上女兒紅黛愁。金陵薛五茸城

柳洗盡胭脂，此地遊名士。傾城爭一笑，詞人公讌滿高樓。聯
吟共宿芙蓉艤，灑酒重臨杜若洲。片紙初題嗟妙手，千金立
贈當纏頭。花枝不妬買臣墓，螺子偏迎范蠡舟。獨有賢豪負
時彥，七省五侯交託徧。遙持啟事致山公，共羨人倫歸水鑑。
白馬橫馱輦，下金黃蛇暗掣。空中線轉向回天，咳唾間翻雲
覆雨，須臾變卿相。趨朝盡過門監司，侯宅稀留燕當樓。選勝
闢名園，隔水開林起歌院。妖童姿首似鴉頭，小婢教歌皆粉
面。舞衫歌扇滿房櫺，子弟梨園侍羞饌。畫櫓齊放水中央，湖
舫留賓百戲張。冠玉參軍低綠幘，明珠角伎賽紅妝。目成色
授潛留佩，怨粉愁香悵。隔牆勢去朱門惟墜吻，郎封青岸有
垂楊。孤兒亡命移名氏，豪葬歸魂送夕陽。乾坤龍戰烽烟起

萬騎南征渡江水俄頃降幡上石頭忽見義旗橫
李詞臣珥筆說孫吳省郎仗劍開營壘鶴湖鵝湖同濟師
平江吳江各傳矢可憐一夕響鳴笳十萬義師血剝豕
繡旗半折冷仙祠雕戈虛插桃花里烈燄高烧萬井空
雨散烟飛巨礮中迴廊曲檻祇聚礫畫棟重檐付祝融
當時倚閣人誰在唯見荒臺月色同

酬朱人遠

城樓高望極萬騎蹴雲來愁易驅人老懷難逐凍
開庭梅看欲動成鼓聽仍哀拌醉今宵酒爐中火未灰

月夜憶舍弟

萬里同明月離人只獨看故園烏鵲樹吟望不知寒
坐使芳

草滿孰憐遊子單夢魂頻見汝努力勸加餐

登山

野水兼天闊浮雲共鳥飛連峯七十二何處是漁磯
深樹聞清磬孤帆帶落暉寒塘秋草外不見一人歸

暮春卽事

春暮過橫塘風吹桃李香明霞浮曲水小艇下斜陽
樓上聞歌罷鱸頭索酒嘗胡姬年十五纖手理新妝

聞笛

夜半客欹枕月明人倚樓梅花吹數弄野戍迴含愁
曲豔知紅袖音淒易白頭深閨有盧女應自不禁秋

得舍妹手書

寒流孤嶼外夜雨一燈深不寐渾無計開書淚滿襟浮雲江
上意游子故園心戀戀真傷汝淒然起越吟

韓洽 十首

洽字君望長洲人有寄菴詩存

靜志居詩話崇禎之際言詩於吳下吾必以君望為
巨擘焉匪特高節軼羣也所撰篆學測解釋訓考源
足證說文長箋之誤
田按君望詩質懇而有真意乃知高蹈之士不尚浮
藻

言懷

梁鴻古高士質春復牧豕馬援大將才田畜就邊鄙管甯鋤
菜畦遺金曾不視龐公隴畝間釋耕對妻子遐哉漢人風去
古似猶邇不知澆訛俗乃自何代始或曰自晉朝清談廢實
理勤恪謂俗人虛無則名士廉恥日益喪爭奪日益起于今
千百年斯風將何底信矣王何罪桀紂不足比

雜詩

海水為平陸泥沙困巨鯨世無堯舜主稷契老躬耕嘆彼秋
蓬弱隨風萬里征西施何必美亡國乃傳名

揖山樓

高樓三面青山立山人愛山揖山入一時相對忘主賓佳樹
佳花成翕集青山斷處是湖光風濤萬頃遙相望高帆白鳥
互明沒別作平臺對秋月山人愛山兼愛文壁間題詠紛煙
雲我來一揖不相拒知余亦是青山侶

岳墳

斧斤日出錢塘門冢上松楸無復存
馬鬣荒涼髑髏泣子孫
飲恨徒聲吞栖霞嶺畔南枝墓
犯者倉皇輒僵仆健兒相戒
莫敢窺蒼翠森然獨如故武穆
英靈性自殊嗟哉所見太區
區趙家社稷今安在卻愛墳前樹數株

題李龍眠諸夷職貢圖

有唐貞觀萬國甯殊方異域皆來庭
立本爲圖擬王會詭形
怪狀流丹青龍眠居士生有宋
未必諸蕃真入貢得毋舊本
重臨摹左食貫胸聊玩弄元豐
天子承平日君臣競講強兵
術不知中國正凋殘馳想海邦
兼日出貢焚西旅四夷賓作
訓猶煩保傅臣爲問伯時圖作
貢何如鄭俠繪流民

贈冲上人

已悟三生幻因于萬事慵
遙聞傳法處空翠隔雲松
洗鉢緣清澗開門揖遠峯
孤蹤自林壑未許俗人逢

箭關

一望秦餘頂天然箭筈形
卻疑渾翠壁誰與鑿青冥
帝力營雙闕神功役五丁
憶曾盤鳥道捫蘿立雲屏

關山月

曉角數聲哀邊風捲地來
十年征戍客不上望鄉臺

昭君

漢主何煩責畫師畫師曾可定
妍媸深宮多少如花女不嫁
單于君不知

野泊

溪上人家水鳥飛桃花一簇近漁磯長年打酒纜船去獨坐
篷窗看澣衣

吳騏 十首

騏字日干松江華亭人崇禎諸生有頗頌集

靜志居詩語日干力崇正始其詩沈厚不佻
明三十一家詩選日干幼有神童之目讀書過目成誦
以詩文受知於陳忠裕夏忠節兩公父遇兵傷左臂
創甚杜門奉侍明亡絕意進取自號九峯遺黎康熙
中同里某分修明史日干貽之書畧曰知執事撰先
朝景帝本紀景帝雖藩支然以高帝視之此安我宗廟
其嘗魯夫景帝雖藩支然以高帝視之此安我宗廟
者也仰維濬發幽光不勝翹企又先達張慎齋名祚
以侍御外轉廣西僉憲佐韓襄毅轉餉盡瘁襄毅果
於殺戮而慎齋多方營解全活甚眾今縱不得立傳
或於襄毅傳中畧附數語幸為留意督師袁崇煥坐
叛逆受極刑當時不知其說所從來後讀范文肅公
行狀始知崇煥之死乃文肅之反間也陳平之勳已
彰於六出亞父之枉宜白於九京相國錢機山以逆

案一書成於其手奸黨銜之刺骨坐與崇煥同叛擬
大辟思陵云謂龍錫為叛必不其然思陵之明不可
沒也其表揚潛德如此願集詩於蒼涼古直之中
極沈鬱頓挫之致蓋親炙大樽而不盡沿其派者
田按日干音節抗亮與陳黃門李舒章結社厥後
黃門殉國音章仕本朝日干悼黃門詩云寒食東
風草樹稠富林夙昔想周遊銜杯畫永花臨戶論易
宵分月上樓四海無人藏復壁千秋遺恨託江流生
芻麥飯俱寥寂落日荒原哭太邱又書李舒章詩後
云胡笳曲就聲多怨破鏡詩成意自慙庾信文章真
健筆可憐江北望江南可稱詩史

烏棲曲

丹霞初散明蟾吐採蘭歌發芙蓉浦羅衣玉腕自操舟那能
相遇不同遊

釣竿

濁水魚肥清水魚鮮淺水釣易深水釣難義不向濁水古人

曾有言理我百丈絲持我青琅玕釣得潭中魚停綸起長嘆
得魚誠本懷釜魚心悲酸縱爾一湖去騰雲上九天

屏水歌

東南風急大麥枯秧田夜夜鳴蝻蚘鄰農相約共屏水未及
四鼓來喧呼河港淺隘潮信小待得天曉水已無披衣躡屩
急趨出咿啞遠近聞輶轡明星滿天爭唱歌腳根騰踏忘勤
劬東方漸明日欲出白榆樹上曬慈烏歸來饑倦汗濡縷瓦
壺麥粥甜如乳埽場曬麥日欲午旋割蘆芽餵童牯木綿衣
衫著不得無錢買褐空嘆息

輓呂雁仙母吳氏二首

早歲失君子冰霜三十年寒燈背風雨塵土滿釵鈿九廟今

安在餘生敢自憐殷勤囑陶侃努力向幽燕

社稷有今日諸公將謂何自慙弱女子無力障狂波窀穸歸
何恨衣冠事尙多淮南四大帥幾日渡黃河

春感二首

自有東風動暮寒更無遲日到欄干震雷朔雪相兼至岸柳
江梅次第殘慟哭虛傳河右表謳吟猶望鄗南壇山川風景
今何似獨上高樓極目看

漢皇陵寢鍾山上珪瓊年年事祝釐永夜羣靈朝虎帳有時
陰晦見龍旗青桐溜雨千章木碧瓦含風百尺基七載不窺
松柏路夢中瞻拜重淒其

漢昭烈

名儒盧鄭久周旋正值黃星受命年蛇劍已移三統歷蠶叢
還闢半隅天金甌付託耕莘佐玉几彌留顧命篇一代英雄
生死際銅臺遺令最堪憐

寄懷金天石

故人落實依江海遠賦新詩慰寂寥天下幾人能隱遯漢家
九鼎賴漁樵煙疏檜柏停春雨水黑蛟龍起暮潮憶爾臨風
空伫立綠楊飛絮滿河橋

題畫蘭

幽蘭雖芬芳靈均自憔悴三百寂無人託根在何地

毛晉一首

晉初名鳳苞字子晉常熟人

吳偉業梅村集丁亥季秋因訪楓林扁舟過子晉齋
頭留宿汲古閣牙籤萬軸較精良又多趙宋舊本
使人讀之如桃源衣冠非復今製顧麟士同在坐相
與嘆息以為子晉嗜古篤學結習編纂雖歐公之於
金石刻王舜卿之於書畫不是過也
馮班鈍吟文稿吾友毛君子晉多聞而好事藏書數
萬卷詩人之至虞昂者以隱湖為歸詩筒緘寄遠屆
蠻徼車馬過從文酒之讌未嘗曠旬虛日座間擊篋
長篇險韻四應不疲
陳瑚確菴集子晉家隱湖之上績學多聞性好客客
至則翫生烹葵欣然命酌出其藏書數萬與客賞奇
文析疑義傲古人月泉吟社玉山草堂之遺風酒酣
耳熱分韻賦詩家有削劇良匠朝落紙而夕上版矣
田按子晉嘗輯明詩紀事未見傳本汲古閣刻書甚
夥此後如通志堂士禮居知不足齋借月山房守山
閣別下齋皆聞風繼起者也

十八日曉霽登塔

快雪交春燈午夜光了了登陟興方劇未旦神光曉竦身上
浮屠輕疾如飛身插江碧玉城一朵芙蓉小

看梅和高季迪韻

一入香林便隔塵
峯頭升眺更撩人
波光嵐翠無餘地
冷韻孤標別有春
日煖若教開漸漸
風微那忍落頻頻
華光今日知誰繼
聊借題詩當寫真

曾燦十一首

燦初名傳燦字青藜甯都人有止山集六卷

有學集青藜詩晤言十之永嘆五之其思則黍離麥秀也其志則天問卜居也魏叔子集止山為人愿樸沈摯少負才華以風流相尚為詩工美多豔及遭世變詩日趨於老樸詩觀初集青藜躬耕讀書襟期高邈田按國初選家王阮亭有感舊集陳其年有篋衍集錢牧齋有吾彖集葉初菴有獨賞集鄧孝威有詩觀陳伯璣有詩慰曾青藜有過日集過日雖不及感舊篋衍之精然搜採宏博余此集勝朝逸民詩實得之過日為多

長沙雜興

賦鵬憂賈生懷沙沈屈子古來放逐臣
傷心在湘水我獨何為者
崎嶇亦到此朝看落葉飛暮聽秋風起
離憂日日生不知何所始昔人曾有言
山水多窮士

靈巖喜遇三輪上人

天地皆殘夢江湖少故人十年家國淚
萬死水雲身三輪昔曾與楊

萬諸公守巖藉草聊為坐看山可當鄰
還將瓢笠意辛苦問靈均

同姜奉世舟次送春各成二律

綠樹千村暗清谿一水長孤舟從此去
十里卽橫塘山鷓催寒雨林鴉噪夕陽
與君歸秉燭共坐惜春光

但覺花飛了安知又送春百年三萬日
四海一孤身閱世憑

憂患全生愛賤貧
歲華流水去催盡
白頭人

西竺寺苦雨

何代黃金寺人來地
覺偏苔露高礎
溼花委小池
鮮古屋生雲霧
春江走歲年似從巴峽住
日日聽嘯鴟

將立春同李咸齋彭中叔散步眺望

羣動各有息
茲遊成我閒
草知深淺處
春到有無間
寒石自流水
夕陽多遠山
離離林下屋
時見鳥飛還

恭謁金龍王廟

王姓謝名緒宋末以諸生死難誓曰黃河倒流即吾報仇之日

下拜遺宮此布袍
觚棱斜日動旌旄
山川何事多新壘
舟楫依然轉舊漕
萬里魚龍南去盡
初秋星斗北來高
茫茫千尺黃河水
不見當年起怒濤

送劉毅可歸江南

芳草萋萋已暮春
相逢喜在贛江濱
吾生只合烏鄉老
世事還同白髮新
烏路千山紫
落照鶯花三月送
歸人故交相見如相問
爲道曾生今更貧

甲寅夏五雨中懷矣伯成明府

榴花初放綠陰齊
宿雨沈綿沒路蹊
溪水亂流城郭裏
雲峯時擁縣樓西
遙知愛客嘗投轄
每借看山一命題
幾度欲來尋舊侶
闔閭城上亂烏啼

平山堂弔古二首

爽氣四來積翠寒
金陵千嶂見龍蟠
君王只愛聽歌舞
碧水丹山不肯看

荒堆古路散斜陽見說宮人葬蜀岡芳草不知春去久西風
猶帶綺羅香

胡介 七首

介初名士登字彥遠錢塘人諸生有旅堂詩集

梅村集余遇詩人胡彥遠於長安每酒酣詔客曰吾
家在武林之河渚密迥澗復人迹罕至煙汀霧樹視
之既盡杳若萬里彥遠自以居山久一旦來京師策
秃尾驢郵使面行泥淖中鬱鬱不得意發病思歸他
日有棄家變名橫山河渚之間莫知其處者其必彥
遠也夫
漁洋詩話胡彥遠布衣貧而妻與女皆能詩順治
中遊京師送人南歸云帆檣楚國羣鳥晚橋袖吳天
一雁晴
靜志居詩話彥遠與室人翁少君門內唱酬晚逃于
禪年未五十而卒其詩不屑效西陵派謂吾盡吾意
免俗而可矣
今世說胡彥遠高自棲託神理雋邁嘗隱河渚近止
城北芳樹池塘環接戶外諸駿男過談燭日歸語人

日嘗謂永興南穴汲郡北山緬邈不謂近咫尺
田按彥遠以詩遊長安貴人間吳梅村有詩贈之云
雖入王侯門不受公卿舉萬年少贈詩云河渚經營
把釣綸乾坤草莽一閒身南陽高臥真名士東漢餘
生舊黨人十載荃蘅同入夢三冬冰雪獨傷神荷鋤
歸去田廬閉莫向人間學問津紀伯紫有贈彥遠南
歸詩云澹比松下禪堅類柏舟婦一家河渚棲梅花
帶左右入林恐不密數峯當戶守內子亦苦吟研山
間井臼置君神仙中無迺圖畫醜此語今十年夢魂
未嘗負莫帶長安塵輕點溪頭酒皆有招隱之意彥
遠既歸晚逃於禪蓋已為竹垞所許矣故錄入此集

感懷

庭鶴不自得步影心悠悠本是雲霄姿馴人耳目求餉我一
握粟令我失滄洲歛翮發清嘯寄聲謝同儔清苦有餘樂行
矣毋自讐

發邗上寄邱四宋丈兼傷萬年少之逝

辛龔卷二十八
二月下蕪城桃花春水明新楊喧浴馬廢苑寂啼鶯郊外無
軍壘人間賴友生存亡兼契濶悲喜總傷情

寄龔野遺

一葉落高木草堂秋自生故人已千里明月欲三更憂患存
終古饑寒見老成霜清憐永夜回首望蕪城

吳梅村被徵入都

幕府徵書日夜催宮闈榻石待君來歸心更度桑乾水仗櫪
重登郭隗臺花萼春迴新侍從風雲氣隱舊蓬萊暮年詩賦
江關重輸卻城南十里梅

訪陸冰修不遇宿接濟寺明日題壁而去

鹿門人遠枉招尋還宿谿南祇樹林暫與僧間初定夜自傷

我負舊來心長河日落魚龍晚古殿燈昏風雨深雞唱可憐
衝曉去參橫月沒一長吟

建州酬龔中丞芝麓

薄遊戰地歸何晚此日初還南建州雨外孤帆傷久客月中
雙笛憶前遊浮沈雅合金門隱偃息偏逢鐵甕秋傳得新詩
盈瘴海一時風雅盛曹劉

康山謁忠臣廟

康山無恙太湖濱廟貌忠臣廡食新官渡夜濤驚隔代老松
古殿暗經春支離天地常爲客慘澹風雲各有人躑躅荒庭
銅狄恨羣公應有淚霑巾

邱世望 十首

世望字當世武陵人諸生有江離館詩三卷

沅湘耆舊集龍太常稱當世詩力挽波靡根柢性靈田按楚詩多為竟陵所染彌望榛棘刺目當世詩特清俊如亭亭新荷不染汚泥

夏日池上作

幽居傍城僻環宅美漣漪高柳垂長條深夏益離披小屋跨池上坐與清輝宜涉境意已佳稍深情轉怡息幾遊渾沌把卷搜神奇隱几忽嗒然此樂心獨知彭澤千載遙高風邈難期吾亦慕寥廓斯人良足師

輓鍾伯敬

負才不在大精詣乃成家君詩貴清冷往往棄春葩叔寶妙立言惠施徒五車仕宦豈不達所悲生有涯千秋名士籍展

卷動咨嗟

春初雨後看梅花

春煙散朝綠石溜洗蒼苔徑僻鳥逾寂林疏梅正開壓牆殘雪映趁雨冷香來恍泛瓊漿飲何須更舉杯

暮雨

暮雨一何急殘花風更摧病餘思斷酒愁至轉銜杯羽檄飛城郭徵求罄草萊那堪聞野哭慘慘暗雲隈

夏日德山

性與空山狎來偏深夏宜幽蹤尋壑遠孤賞戀松遲竹露晴猶滴曇香靜自知坐沈煙外磬新月照來欵

陳衡靈自欵海還攜酒過集

辛鑑卷二十八
小隊衡門枉芳尊海國移故情添酒洽老興發春遲保障饒
公等江湖足鬢絲不嫌疏簡慣頻許細論詩

得伯孔書聞將過大梁有寄

秋深彌憶子搖落更何之俗薄無交道書來有夢思閣雲寒
自溼江月晚相宜欲問狂夫態青編坐日遲

送汪遺民南歸

執手河干客緒紛緜袍霜冷悵離羣天風吹下衡陽雁鄉思
先飛海國雲入里詞人驚盛藻過湖龍女乞靈文桃花遲爾
春來棹預唱蘼蕪爲憶君

九月八日

茅堂寂歷瑣秋陰涼吹蕭蕭動夕林綠酒偏於時節好黃花
難向雨中尋登臺何客同明日搔首高天且獨吟世事驚心
凋短髮不教狂態費朋箴

輓龍瀝公先生

二十登壇四海聞新都吳郡許空羣方瞻帝幄咨元老忽悼
詞林失冠軍頤入荒村棲定鳥霜寒野水澹斜曛平生一掬
西州淚灑向南天并作雲

蔣之棻

六首

之棻字天植湘陰人有江聲二集四如小草

沅江耆舊集天植幼善屬文有羅江才子之目蔡江
門先生尤重之與同郡趙友沂郭幼隗齊名性豪邁
喜結納與遊皆當世賢豪處亂世汲汲以澄清天下
爲己任甲申後崎嶇戎馬以勞卒於粵
田按天植詩豪宕自喜有拔劍悲歌之氣

善哉行

去日莫論來日大難憂心可藏髮白難刪一解河大多水山大

多雲周王多道列戟射君二解柳季掩戶釁出中堂福來千里

禍起蕭牆三解斗有美酒盞有肥羊君子豫悅小人猖狂四解黃

鵠知春鴻雁知秋時過不返水去難收五解蜀犬吠日吳牛喘

月少見多怪嵇公眼白六解食梅苦酸衣葛苦寒不可告人徒

傷肺肝七解

懷玉山長

記得尊前約重門深數過每逢落葉處無奈斷腸何山意隨
松古秋聲入雨多衡陽雁迹杳回首趁蒼波

飲郭幼隗山莊

春水盈盈起綠蘋一尊移話共南鄰人間欲殺狂為累世外
相知貧是因野叟密談分菽粟素心間伴數昏晨銜杯張目
看天地判與連觴浹十旬

送青原無可和尚

萬緣收拾上蒲團春夢如今興半殘清淨莫留文字幃頑空
悔冒宰官餐容僧便覺天恩大出頂方知佛法寬嶺表煙深
難住錫好攜明月到湘干

江南行二首

江南年少酒家過下馬傾尊索酒多寶劍脫來隨意贈揮鞭
長嘯指天河

江南女兒貌如花手勻輕黛新月斜千乘萬騎盡回首不知

心事託誰家

韓純玉 三首

純玉字子蘧歸安人修撰敬子有蘧廬詩集

四庫總目純玉父敬以黨附湯賓尹見擯於時純玉以

是抱憾終身不求仕進其行蹤畧具所作蘧廬詩自

序及集中癸丑五十五生朝示見詩中

靜志居詩話中吳韓君望西吳韓子蘧皆輯明一代

之詩君望曰詩存子蘧曰詩兼惜其書均未布通都

二子先後奄逝其家人故友不復肯出恐終歸覆醬

而已

田按子蘧明詩兼序云有明一代之詩比美三唐俯

視宋元洪永景運初開翠眉遠邁燕許海叟追蹤少

陵高楊張徐不讓王楊盧駱林藍曾許可希王孟高

岑景泰流而為繼麗成化疏而為清越北地信陽合

七子以前歷下婁東合七子以後踵事增華守而勿

化竟陵陶汰過當而溺於幽涼雲間欲還正始而近

乎郭廓各殊其趣各持其見學者又各師其說操一

格以繩天下必欲人面如我面強我樂為子樂語言

歌獻異口同聲而始稱入殼是則優孟衣冠長存千

古新豐宮室徧列九垓矣他如石倉濫登庸尤莫辨

淄澠虞山廣肆譏評徧揭曹鄣一失之寬一傷於伎

其為病也又與固執等余博蒐約採或繁或簡或平

或奇或莊或逸或淡或濃要皆各因其質各達其情

各極其趣而後愉快從前諸家之編心局識悉舉而

銷鎔之子蘧之論如此惜不得其選本而覆之也

過姚十四莊居

路從芳草入門向遠山開種樹交青靄攜尊藉碧苔河魚逆

水上海燕掠風回更欲留深坐重圍暮色催

鄧尉山遇徐昭法即別愴然有懷

吳趨間隔三百里離亂相兼十二年此日弟兄仍一面曩時

師友半重泉同依慧日為禪侶忽遣樵風送客還無限斷魂

收不盡長松習習寺門前

乙酉秋日同獻兒寓慧雲寺

先人題額依然在彈指於今六十年攜子重來我又老逢僧
暫住客如前參天竹樹沿階長滿地菱菰入饌鮮圓澤不須
頻問訊三生好話舊因緣

周簣 九首

簣初名筠字青士別字簣谷嘉興人有采山堂集二

十四卷

靜志居詩話青士遭亂棄舉子業受雇賣米有括故
家遺書連船繫於市者買得一船積糶下每日交易
筐筥斗斛權衡堆滿肆讀之糠粒中其為詩句敦字
琢不輕襲前人片語胸無柴棘急人患難視朋友如
一身人或忘大德而思小怨者不以實諸懷也晚年
詩趨率易好與浮屠道士遊題詠極多嘗醉書云似
士不游庠似農會讀書似工不操作似商謝奔趨立
言頗突兀應事還猶疏飢寒不少顧吟詩作歡娛可
當一幅寫照也
梅里詩輯青士詩篇清超樸淡五言九勝

田按青士與竹垞為素交竹垞表其墓仿柳子厚獨
孤申叔墓碣書故友姓名於後者九人王翊介人
路遵甫朱一 是近修王訪子明沈進山子李麟友振
公朱彝鑒千里褚標霞建周篁林於九人者皆能詩
以介人為優

秋夜懷李天穀

夜半落寒露微風颯然起湖光不知夜秋明荻苗水河漢繁
星飛一月靜如止煙樹傷遠懷伊人渺千里

夜眺

中夜松徑黑不知山月高淒風動林木萬竅皆怒號宛如泛
孤舟危坐驚波濤溼螢墮遠水野鶴鳴寒皋人生亦何常哀
樂隨所遭長歌望河漢何以解鬱陶

渡漢塘

孤舟出新豐初涉漢塘水日落秋氣生水曠寒煙起返照漾
菰蒲微風蕩蘅芷征帆去悠悠我心渺何已

宿揖山樓

偶爲寂寞遊遂得高寒境天浮長泖闊雲落橫峯冷出林鐘
磬聲繞檻星河影弱喪未知歸吾衰當猛省

舟行

紫藤纏樹懸野香清溪歷歷澄幽光櫂聲初撥裂雲色蕙絲
荇帶吹煙長遠山微茫銜半影溼嵐不落空濛冷枯篷短楫
憑空行一葉虛浮去俄頃高林飄沓雨滴衣天驚石泣鳥不
飛櫻人笑兀老松怒山精窅窅相因依寒陰初散孤蟾起鄉
園擁隔悲千里驚濤四日九龍哀風吹露下如秋水

西溪夜歸簡一潛

黃昏過虎溪相逢石門西風磬隔林斷漁燈入浦迷天空月
皎皎草白霜淒淒不見巾車客行歌空杖藜

庚子春吳門陳漢公過五里追哭王山人翊時山人沒

八年矣爲感

河流渡口渾有客自吳門言訪山陽舊重過栗里村琴臺春
草合隴樹夕陰昏旅舍應無寐何由感夢魂
指月精舍夜坐有懷吳四讓木

落日精廬過客稀涼風祇樹暝煙微檐端星自雲中出竹裏
禽從水面歸自愛清談揮麈尾不妨狂醉解絺衣牆東便是
吳筠宅欲刺扁舟夜叩扉

送別

蒼江日落晚風清
送子南雲萬里征
待唱陽關舊時曲
河橋柳色不勝情

魏允枏

三首

允枏字交讓嘉善人忠節公大中孫孝子學伊子廕生有維風集

構李詩繫交讓甲申後高蹈不出柳州詩學之盛奉為主盟田按忠節被逮過吳門周忠介慰之舟中以女許字其孫即交讓也

吳仲珪墓下

咸淳之末宋事非
諸陵毀塌魂無依
玉匣珠襦啟幽寢
古人白骨將安歸
椽林處士有遺墓
自署沙門植梅樹
虛塚不似

祁連山殘碑尙立
青松路蹂躪曾無
樵牧過斧斤自遠
匠石顧閱歷滄桑三
百年慕君高節愛
逃禪已傳繪事冠
當代還將易數推
先天君臣大義委
草莽子孫中落無
墓田胥塘東繞菖
蒲浦丙舍荒涼屬
誰主桃李春飛寒
食煙梧桐秋落重
陽雨君不見六陵
鬼哭蔓草生此地
猶存一抔土

少年行

紫騮蹀躞玉鞭垂
半醉新豐日暮時
生長河湟人不識
獨身曾得射雕兒

題法螺精舍

絕頂峯開祇樹林
翠微俯瞰碧沈沈
數聲清磬落山下
門外日斜春草深

父丹生 四首

丹生字彤寶一字山夫嘉善人

三岡識畧詩人父山夫垂老落魄往來吳越間晚寓家楓橋受知於錫山令吳公興祚後以貧死公時開府七岡聞之惻然遣人葬之寒山寺側予偶過其居題詩壁間云老死寒山古寺東詩人飄泊嘆途窮故交萬里收遺骨薄俗猶存挂劍風

乙將軍歌題劉公戡所作傳後

乙將軍真天人烈如南霽雲又如雷萬春冒重圍入孤城出孤城部領二百騎出入風雨旋雷霆誰能從之曰張衡將軍起列校主將陷陣單騎拔之推主帥上馬短兵接戰身步行乙將軍真天人初隸黃得功後隸史道鄰面中飛矢吃不動揚州化作睢陽城將軍戰死舊城下誰能傳之昌黎文

劉體仁七頌堂文集明季穎州李將軍柳挺身入劇賊袁時中營招之降賊殺樹忽聞有乙將軍者追破其眾於細陽舊城縛二賊將酌酒於李將軍位前跪而斬之子於是識乙將軍將軍名邦才字奇山山東人初從禁旅為隊長大將黃得功與流賊戰於霍山單騎陷水田中賊圍之數重射死所乘馬得功射賊輒洞胸貫甲相持會暮餘二矢耳而邦才從高望見之識其胄曰黃將軍也矢步從得功走時轉射其追拔上邦才授馬分箠中矢步從得功走時轉射其追騎殺才餘人始及其大軍邦才自是名動軍中邦才善治軍器甲必精美卒服傲惡者輒罵之為乞兒務使與己等實以耗其財不使有贏鹵獲皆歸有功已無所問自兵興雜沓不可勝紀穎濤六霍歲破兵將豫楚其餘名稱難悉不勝紀穎濤六霍歲破兵將軍解圍陷陣邀擊追奔大小十餘戰功皆冠軍或上其功或移其功他人者數矣每飲至同列憤嫉使言輒謝曰此我眾不惜死故破敵我一何能為終不白自形貌僅中人暫顏劫獲背而蜂督善投壺居常激矢百變為笑樂愛敬士大夫進退安雅初不知其不知書也其休兵濠上也子道過之方獵還為子置酒割鮮自彈琵琶侍姬歌秦聲相和歡甚覆琵琶於膝注視子曰邦才出行間致偏將數論功拜尙方

銀幣賜以大帥薦者贖且滿邦才非其人也所可報
國家者此身耳顧不見敵但當調曼容茲歌娛心意
一朝上馬去且判此肝腦矣予心異其言後史公可
法請願得邦才自隨遂以總兵官駐揚州未幾竟戰
死

贈鹿野菴主人

達師靜者流神氣周八表寒林無冬春澄湖照昏曉倚杖立
蒼苔長空過飛鳥

倪彤文齋頭喜逢殷嘉生卽事

九龍山鳴別相遇郭西偏詩律看來細狂名老去傳雨晴江
上路樓籥暮春天共酌尊中酒藜牀一醉眠

秦淮曲

青溪祠畔彩雲停舊院樓臺入杳冥惟有巴童吹北曲夜深

獨自倚牀聽

徐開任 三首

開任字季重崑山人有愚谷詩稿

明詩綜朱長孺云季重詩原本少陵深情至性激發
而出使讀之者留連往復而不能自己

詠史

吾愛張處虛卓犖有深見時危不應辟誰知非獨善帶索說
張温掉舌如流電宦豎得早除甯召羌戎變一人計不行遂
使羣雄戰誤國有餘辜殺身何足怨

陸賈善因時神閒識亦慎樂生似韜光獻策非謀進誅呂不
居功安劉無後釁置身將相間安危可靜鎮天下有心人社
稷彈指定堪笑樓君卿侯鯖徒自潤

送仲兄司理邵陵

麥秋四月南風起送兄迢迢渡濱水此地新經烽火來萬井
蕭條生荆杞憶昔邵陵全盛時桐封愛子萬年枝宮中爭唱
銅鞮曲陌上時吟估客詞一朝物換人亦改珉玉宮闕無復
在北渚新愁落照中蒼梧舊恨秋雲外執手相看杯酒前離
魂常傍洞庭船驚猿帶雨嗁寒夜征馬追風踏暮天丈夫不
灑離別淚天涯知己若同氣此行莫負桃源心洞中雞犬與
時異

張彥之二首

彥之一名慤字洮侯松江華亭人

明詩綜朱明詒云洮侯為人寬博無同異其詩莽蒼不事繩尺質本景純而臻於嗣宗

今世說彥之卓犖知大節深沈好書詩歌與董黃齊名尤喜自負使酒善侵人然實無他腸人以是原之詩觀南京兵尚閱操衣百鶴繡袍洮侯詩云金甲銀鞍戰士豪六軍承詔著功高而今攻守江南靜百鶴空思賜戰袍百官燈白祭酒燈紫洮侯詩云御柳低垂曉色開天壇香繞淨蒼苔陪京感學當年事紫色燈稀祭酒來二詩是備故實

寄錢開少滇南

洞明感晉亡幼安憫漢促自古無全人安能致明淑一身情
有餘萬里行不足衡山窮荆陰零陵踐南服巖壑鬱嶙峋山
川縈重複詞賦非務閑樓遲同豎牧人事悲沈淪天道長倚
伏千秋竟何人曷以守幽獨

送林武宣遊豫州

九月微霜欲渡河送君千里奈愁何華林秋落遊人遠少室

風高木葉多樽酒自憐江外別菊花仍是客中過懸知白雪
梁園在此日平臺好放歌

吳懋謙 十三首

懋謙字六益松江華亭人別號華萃山人有苾菴集

汪琬說鈴吳懋謙訪余邸舍每被酒自誦其所作遊
五岳詩音響琅琅若出金石覺爾時意致迥上不可

復及
三岡識畧華萃山人喜吟咏遨遊搢紳間詩名甚著

年屆古稀纔喪妾復買一姬膏面染髭以博如皋一
笑子戲贈一詩云騷人春晚愛幽居老去風情尙未

除舊賦白頭隣薄倖新題紅葉怕生疏爐薰翠被迎
歡夜髻擁寒燈見面初莫倚巫山行雨慣襄王今是

病相如
明詩綜魏楚白云六益五言未盡本於建安而筋力

出諸作者之上
田按六益才情爛漫讀其詩有蕭瑟蘭成之感

烏棲曲

沙棠爲楫桂爲舟采菱唱罷吹篴篥送歡板橋望江路風波
無情郎莫渡

聞舟中吹笛

空江微微月東出何人舟中吹鐵笛傳呼隔水不知名寂寞
滄江迥夜色吳音越調聲悵憶遠遊客子思故鄉燕子梨花
春已暮欲歸不歸空斷腸

長至旅懷寄龔芝麓先生

冉冉歲將晏百卉腓以殘葭灰動晨夕蒼霧浩漫漫白日凍
高阜玄陰翳層巒流睇鮮故物遊矚盛憂嘆小人備鄙志烈
士存苦顏堂上展琴瑟哀激已無端

長安咏懷

驅馬過燕市春陰黯不開沙昏北平壘日下黃金臺地勢臨
關潤山形入殿來傳聞昔年事惆悵有餘哀

仲冬同慈谿王白民儲漕送周計百司李之南昌

惜別此酒醉相逢又幾時一江本葉下萬嶺夕陽遲野店維
官筋村巫走廢祠不堪重回首霜露正凄其

南康道中

連山啤峴齊萬里過江內索米勞妻子擔簦聽鼓鼙江黃龍
母渡風黑虎偃嘯辛苦南康道蕭蕭倚杖藜

嶺南

辭家便典鷓鴣裘司馬淒其已倦遊路指番禺蠻雨夕帆迴
滇水瘴煙秋降王舊築蓮花寨洞女新開椰酒樓此日孤身

憑眺望短歌清笛不勝愁

崑山懷二陸

斷碣荒苔鬼夜號蕭蕭木落下亭皋三吳曉日聞秋雁萬里
長江送暮濤祠廟衣冠衰草合山城笳鼓朔風高登臨莫問
當年事寂寞書臺空野蒿

春日雜感

吳子栖遲大海濱東風落日自逡巡陶潛漉酒元無伴王粲
登樓或有人老去江湖生白髮愁來天地失青春東南十載
空遺恨夜夜憑高望北辰

吳閶夏感

霏霍夏雨滯吳城深夜猶聞鼓角聲薊北頻年還重歛淮南

今日又徵兵千門涕泗瘡痍盡萬國關山太白明莫上靈巖
更西望溪雲江樹不勝情

戊戌春日有感

三月春殘御柳斜高城雪盡隱悲笳黃旗南苑馳征騎曉漏
西清待翠華寢殿棠梨飛野蝶漢陵風雨泣棲鴉可憐一片
昆池水依舊東風泛落花

暮春咏懷

小築茅齋蘆荻邊萬方風雨哭春天東吳杼軸空三戶南粵
烽煙已二年張儉無家貧尚在虞卿多難病誰憐依人終信
謀生拙短鬢江湖夕照前

春閨

玉釵寂寞暗生塵細草微香壓錦茵燕子尙啣花片舞憐君
何事不知春

徐崧

五首

崧字松之吳江人

宿楓江法華禪院

萍蹤原不定夙昔聽清緣庵水知平日楓江別幾年客船驚
犬吠市鼓報魚鮮夢醒寒衾短披衣坐曉天

寶林寺

金閨多擾擾至此定心清一寺石橋過兩涯春水生白雲天
倒映北斗夜空明自有神魚化應將法雨行

仲春六日客寶林李灌溪侍御惠我酒資

憶昔頻招隱漁樵得並遊人閒無白社舍北有丹邱鶴下迎
仙館花開禮佛樓猶龍身正健我道見風流

同朱望子過福濟觀贈姚玉緯鍊師

友鶴餐霞玄思通碧桃花鳥有神宮笙吹斗閣三天上藥搗
丹臺四月中雲水誰如王省幹塵埃難辨呂仙翁看君好客
嫻風雅竹杖紗巾自不同

過包朗威孝廉靈巖山居

卜得幽居傍硯山晚年學佛世情刪茗談不異精藍靜梵課
仍如老衲閒松葉陰中雲冉冉杏花風裏澗潺潺自從絕上
公車意一過江城即便還

李煒

六首

煒字赤茂嘉善人有物外軒稿

詩觀二集格齋詩高視濶步有太原公子氣概仙裳
稱五古在阮陶之間洵不誣也

雜興

我愛漢陰與棄機灌園蔬我愛河上公緯蕭鍛明珠優悠可
卒歲取足不求餘囿圍泰山雲觸石合卷舒猗猗蘭蕙花因
時成榮枯養志百年內身名同晏如

日余不師訓少小好奇計結交湖海賓抵掌天下事愁如縻
絲鷹矯若悲踠驥外強而中乾道不足御氣懷思古至人神
明獨無累彈琴蓬戶中緬然發高視龍蛇守道真毀譽棄若
屣甯能人世間懷憂獨長喟

北渚何渺渺秋風生洞庭夫君來夷猶芙蓉愁殺人寄顏雲

霄間揮袂當層城曠矣恩不接懷哉時載陰臨川望河鮪緬
邈若飛沈登高遡歸雁反對豺狼吟同衾戀膠漆遠道怨商
參側身隴坂長離懷誰能任

烈如齊聶政怒若燕荆卿我無雲雨資小更安足矜老子執
謙退清淨垂鴻名莊周處不材後世稱達生灰心滅恩怨劍
術同飛塵

有所思

賤妾依吳地夫君滯楚湘荆蠻雲樹遠彭蠡雁鴻長別怨生
瑤瑟相思滿玉床當年阿母畔空學繡鴛鴦

贈墨菴

問君何感慨削迹竟曇摩舊事觀空盡餘情埋照多長卿工

慢世楊惲善悲歌笑兀疏狂意空憐日月過

錢光繡 二首

光繡字聖月鄞人有歸來閣集

巖臺寺

抱膝巖前坐噴岫勢欲崩泉飛天半雪門掩隔溪藤鶴洞迷
丹竈仙墳罷漆燈寄聲劉子驥孤棹興堪乘

田家

一株紅樹恰當門古澗橋欹斷水痕日暮牛羊收拾早昨宵
虎迹大於盆

錢謙貞 五首

謙貞字履之常熟人

列朝詩集履之生而詔令有雋才起於孤童能自鏃
矚讀書求志闢懷古堂以奉母簾戶靚深書籤錯列
所與游惟魏冲叔子馮舒已蒼相與論詩度曲移日
永夕下鍵謝客意泊如也中歲攻詩不屑應酬俗調
友人程孟陽精於論詩少所許可獨稱履之之詩以
為鮮妍和雅妙得近體之法
懷舊集履之清姿玉立好讀書工書法詩歌南曲皆
不學而能與人交似落落久而不衰彌見其篤
田茂履之牧齋從弟其歲暮雜詩云句偶類浣花體
或擬長慶自然近中晚非敢薄初盛可謂善於自道
矣

雪晴小飲北山茅三間卽事

雪壓雲菴晝獨眠偶憑雙屐試晴天窮檐晚日懸冰柱野服
春寒著水田臧是穀非從過耳濁賢清聖且隨緣報慈橋畔
何人墓宿草凄凄起夕煙過亡友陸九來墓

懷古堂夏日漫興

三間五架草堂新數卷圖書一病身靜似放參居士室閒如
堊戶輟耕民浣花杜叟曾題字垂柳陶家舊卜鄰不爲薄今
偏愛古南村已少素人心

舟過梅李弔族祖心閑翁墓

輕舟漫趁落潮東爲弔孤墳半畝中荒草斷邊人種麥浮圖
高處鳥呼風生多寄迹眠僧院死合招魂傍梵宮一束生芻
一杯酒幾人曾酌若敖翁

莊樂與余數年同病久失過從風雨中忽拏舟見訪因

宿兒子書樓夜話追昔撫今悵然有作

杖策招尋久未能扁舟忽有興堪乘參商一別看兒女風雨
來過見友朋算老漸如將去客論心同是在家僧南菴若遂

比鄰約瓢衲連床夜夜燈

歲暮書齋卽事次夕公韻

鶯栗風高北榭關卷中丘壑畫中山衰顏向日薰如醉弱足
凌寒凍欲頑翻覆炎涼隨歲改凋零花木逐年刪黃麻紫誥
非吾志十賚新同處士頒

東蔭商 二首

蔭商字雲雛華陰人

舉人

新嫁孃

十五爲新婦梳頭學冶粧畫眉猶未慣不敢輒呼郎

閒居述懷

狂夫家在麗農山俯視三峯似小鬢只爲高吟驚帝座孤蹤

遠謫在人間

姜廷梧 二首

廷梧字桐音紹興山陰人有芳樹齋詩草

今世說桐音行文不起草口所誦卽成句論者謂其詩類何景明

渡江

句踐吞吳日斯江卽戰場泛舟秋水濶繞岸海雲長浪靜鯨
鯢沒天高鶴鶴翔至今沙草渡有客弔夷光

少年行

金鞍蹀躞紫駟驕火浣裁衣窄過腰白日城頭秋草盡彎弓
原上射飛鷗

陸繁弢 二首

繁昭字儂胡一字拒石錢塘人

今世說陸麗京云西陵儂語家有靈蛇若儂胡秀如春采仲昭綯若朝霞故當並推

過包氏山莊聞簫

樹杪縣飛閣雲深結小亭秋花入夜白曉月到山青人影飄
羅帶簫聲隔畫屏不知樓上女度曲與誰聽

南屏

上人蒙難後而我亦餘生不為浮名誤焉知出世情晴嵐開
曉色寒鳥變春聲若許陶潛醉相隨入化城

王啟茂 四首

啟茂字天庚石首人貢生有渚宮集

湖北詩徵傳略天根崇禎末以明經薦不就兄啟京啟遵弟啟崇啟芬皆有才名人稱五鳳天庚性獨淡

素工詩詞避兵湖南山中庚七十卒

陳伯幾詩慰續集石首王天庚門有車馬客見余多怒嗔非為禮數簡亦知肝膽真祇慙餽贈少未能療客貧余貧客所見徒免甌中塵結交二十載與鬻奉嘉賓西鄰豈不富叩戶何曾響願客早富貴為余作主人輕財若埃沫致賄如邱陵門下三千客各賜干黃金人人無惡聲薄俗庶乃敦詩有古意然未免如翟公署門識者或議其淺也世間殘客亦正不可少

送道人入山採藥

去去雲山遠餐霞不裹糧荷鋤千嶂曉洗藥一溪香夜月閒
丹竈春風暖藥房何時還市肆吾已識韓康

過袁中郎捲雪樓感舊

庾信羅含宅尚垂小樓回首更凄其澄江曾入驚人句華屋
堪增過客悲千載後知聞笛處十年前記倚闌時文章不盡
風流盡盼盼於今屬阿誰

風流同王子荆民部曹標之叔方謁張文忠純忠堂同賦

袍笏巍然故宅殘入門人自肅衣冠半生憂國眉猶瑣一詔

旌忠骨已寒恩怨盡時方論定邊疆危日見才難眼前國事

君知否拜起還疑拭目看

考田詩話張江陵救時之相功過原不相掩恩怨盡時方論定邊疆危日見才難二語竹垞稱為詩史不知乃王啟茂謁文忠公詞句也

舟中卽事

武陵溪水碧如天幽興狂來自扣舷海岳橐裝無俗物元真
奴婢有仙緣深防好事傳為畫定被凡人喚作顛把臂便應
從此遠只今南北甚烽煙

鄭階 四首

陽字晉之吳人有慎獨居詩存

湖山靈秀集晉之嗜酒耽吟齋中常設一木主題杜拾遺名或得醅醪佳茗必先以奠焉其癖於詩可知

毛公壇

包山路茫昧委蛇履艱澀塢窮絕人語計里將二十雞犬隱
桃花松蘿遶原隰巖雲白襤襪谷風清習習振衣躡危磴見
石先拜揖仙遊二千載寂寞壇猶立苔蘚漢時青碑題唐世
緝傳聞紺毛叟養真羅浮岌木食龍虎馴道尊山鬼泣宇宙
元一粟往來待呼吸夜靜湖月高鶴馭常來集攀竹仰清風
曠哉天如笠

醉步南村過允謙復酌

南垞多逸地獨往聽秋聲行野杖橫把出村船倒撐碧雲寒

弄影紅樹晚含情恰有幽人過重沾爲解醒

韜光庵

下方擾攘上方幽磴道縈紆古木稠劖竹引泉分入寺鑿雲
開徑就登樓青蔬白飯僧緣好蒼鬢紅塵客夢休徙倚北高
峰畔立浙江如練抱湖流

湖上

點點春山小片片春帆渡帆去忽天涯青山自朝暮

陸嘉淑 二首

嘉淑字冰修海甯人有辛齋遺稿

靜志居詩話冰修崇情遠迹高酣長謠晚雖藏身人
海而青蓮在泥心終不染
阮元兩浙輶軒錄查編修慎行冰修壻也少從學詩
得其指授

采桑曲

江南三月青陽天桃花匝市楊花顛流鶯自語立鳥斜陌上
誰家雙鬢鴉繡箔柔筐臨碧屺百帖春蠶眠不起素腕迢迢
倚夕陽清鹽的的回秋水別有梅花洞房妾永日盈盈淚凝
睫織成錦字寄別離結成同心鎖箜篌偶向城隅恨自滋長
憐春暮心尤快使君五馬莫踟躕兒家夫壻關西俠

蕪城感舊

花影鶯聲句偶傳無端真得玉人憐劉郎前度身猶在杜牧
三生事惘然銀燭夜闌分險韻畫欄春半響么絃玉鉤斜外
傷魂處落盡桃花叫杜鵑

陳祚明 三首

六五錄卷二十八
旌明字膺倩仁和人稽留山人集

北征

百年多攘攘跋涉意何如
京口歸潮大丹陽落日孤
轉漕千舸擁過關萬人呼
泛水扁舟影蕭條短髮疏

香山

夾道青峯似畫中
先朝列帝傲行宮
鶯花仍度三春日
松柏長吟萬壑風
錦石親承鑿路轉
玄猿猶說翠華東
小軒御榜留宸翰
行客徒悲古木空

燕市

長安古狹邪道隘
不容車溝水春泥擁
愁君白鼻騮

黎祖功二首

祖功字耆爾新建人有不已集

西江詩話耆爾早慧能為有韻之言割愁於海上羣
峯破涕於一江春水意有所觸語輒隨之顧奇詭不
凡頗類李長吉使壯且壽稍加以理真可奴僕命騷
年未二十慘死於盜惜哉所著詩自序云戊子歲始
學嘲詠紀義熙之五年存長城於數字其大指如此
陳士業評其詩如張遠被甲持戟大呼衝孫權之壘
當者人馬辟易如李愬率山南銳士冒風雪絕澗曲
道夜半入懸瓠城如彌衡著牟衿單絞搥漁陽而前
躡駁腳足容態不常

吁嗟行

山何不攢峯為刃以絕我脰
天何不降玉為棺以封我尸
區區姓氏人不知面目塵土何所為
魯連好倜儻曹公無威儀
肯如小儒舉舉衣裳學仲尼
鬪我筆燔我詩手中提攜三尺
兒誰博白兔兩丸泥
荒雞驚起夜亂曉神鬼駭駭得志天地

悲

田按少年才人負奇夭折有雲間夏完淳存古固吏
部瑛公允彝之子十七歲著大哀賦不減庾子山世
多傳之豫章黎者爾前浙江提學博菴元寬之子詩
甚奇崛不可一世亦十七歲江行死於盜先是賦吁
嗟行一篇不數日遂死若讖然

讀賢書

白日閒羈旅青雲點友朋千金新得驥六翮老如鷹天地雪
霜笠江湖風雨燈蕭條君不問潦倒我猶能

